

四庫全書

子部

欽定四庫全書

管子補注卷十一

明 劉績 撰

君臣下第三十一

短語五

古者未有君臣上下之別有夫婦妃匹之合獸處羣居

以力相征

若野獸之處以羣而居力強者征於弱也

於是智者詐愚彊者凌

弱老幼孤獨不得其所故智者假衆力以禁彊虐而暴

人止

智者即聖王也

為民興利除害正民之德

正人之德

而民師

之師智者也是故道術德行出於賢人

賢人知道術德行者也

其從義

理兆形於民心則民反道矣

道術既出故莫不從義而順理之極則無舛辟之事

始見於人心則無人不道矣○績按反復還也言民有所趨向則反道

名物處違是非之

分則賞罰行矣

人既反道故正其善惡之物處其背理之違則是非者自分矣是非既分故行

賞罰以當其功過也○績按處名物為是違名物為非

上下設民生體而國都立

矣

上下既設人則生其貴賤之禮故國都立也

是故國之所以為國者民體

以為國

貴賤成禮方乃為國

君之所以為君者賞罰以為君

無賞罰則

君不足貴致賞則墮

賞而不已則墮

致罰則虐

罰而無節則虐

財墮而令虐

所以失其民也是故明君審居處之教而民可使人從教故可使

居治戰勝守固者也

居處既治戰則勝守則固○績按言明不致賞罰但審教可使民居

國則治以戰則勝以守則固也

夫賞重則上不給也

賞重則使用多故不給

罰虐

則下不信也

令虐則人無所措手足故不信也

是故明君飾食飲弔傷之禮

飲食謂享燕傷謂喪祭也

而物屬之者

也

禮行則物親也

是故厲之以八政

八政謂洪範之八政

旌之以衣服

衣服

所以表貴賤也

富之以國褻

褻謂財物所包褻而藏也

貴之以王禁

禁令行然後知

常者之可貴也

則民親君可用也民用則天下可致也天下道

其道則至

君得其道則天下至

不道其道則不至也夫水波而上

盡其搖而復下其勢固然者也

言水波湧而上既盡其勢還復搖動歸下而止

此自然之勢喻人懷德而來畏威而去者也

故德之以懷也威之以畏也則

天下歸之矣有道之國發號出令而夫婦盡歸親於上

矣布法出憲而賢人列士盡功能於上矣千里之內束

布之罰

束謂帛也布謂錢也古者罰刑或令出錢帛也○續按此即它不種桑麻者有里布之類一

畝之賦盡可知也

賢人為之視聽故無不知

治斧鉞者不敢讓刑

猶

拒也當其罪故不讓刑也

治軒冕者不敢讓賞

賞當其功故不讓也

墳然若一

父之子若一家之實義禮明也

墳然順貌或刑賞之莫敢違逆若子之從父家

之從長如此者禮義明故也

天下不戴其上臣不戴其君則賢人不

來

上下不交則賢人隱

賢人不來則百姓不用

百姓無賢人則不知所歸故百姓不

用也百姓不用則天下不至

百姓不用則天下無邦將何至哉

故曰德侵

則君危

君德見侵不危何待

論侵則有功者危

論議侵理則功過不明故有功者危

令侵則官危

令侵則法不行故官危也

刑侵則百姓危

刑侵則無辜受戮故百姓

危也而明君者審禁淫侵者也上無淫侵之論則下無冀

幸之心矣

為人君者倍道棄法而好行私謂之亂為人臣者變故

易常而巧官以諂上謂之騰亂至則虐騰至則北

騰謂凌駕

於君騰至則  
推降故敗北

四者有一至敗敵人謀之

四者即上  
之四危也

則故

施舍優猶以濟亂則百姓悅

言施恩厚舍罪罰二者優  
厚雖非用法猶能濟亂故

百姓悅  
之也

選賢遂材而禮孝弟則姦偽止

遂達也

要淫佚別

男女則通亂隔

要謂遮止之言能止淫佚別男  
女則先雖通亂今能隔阂也

貴賤有

義倫等不踰則有功者勸國有常式故法不隱則下無

怨心

隱謂伏  
而不行

此五者興德匡過存國定民之道也

夫人君者有大過臣人者有大罪國所有也國之所民

所君也

民者已之所君

有國君民而使民所惡制之此一過也

言民惡君之制已此亦君之過

民有三務不布其民非其民也

三務謂春夏秋

務農人不務之則餒餓成變故民非其民也

民非其民則不可以守戰此君

人者二過也夫臣人者受君高爵重祿治大官倍其官

遺其事穆君之色

穆猶悅也

從其欲阿而勝之

阿曲也巧言令色委曲從

君至於動也剛漸以勝之其終或至於篡弑故曰阿而取勝之也

此臣人之大罪也君

有過而不改謂之倒臣當罪而不誅謂之亂君為倒君



臣為亂臣國家之衰也可坐而待之是故有道之君者

執本相執要大夫執法以收其羣臣羣臣盡智竭力以

役其上

謂給上之役也上即君也

四守者得則治易則亂故不可不

明設而守固

明設上四法固而守之

昔者聖王本厚民生審知禍

福之所生是故慎小事微違非索辯以根之

謂有違非必尋索分

辯其得根而止之也

然則操作姦邪偽詐之人不敢試也

不敢為非以嘗

君此禮正民之道也

制禮者用此道以正人也

古者有二言牆有耳伏寇在側牆有耳者微謀外泄之

謂也伏冠在側者沉疑得民之道也微謀之泄也狡婦

襲主之請而資游慝也

襲入也謂狡婦妖蠱人主遂行請謁所請既從外資游說為弄

慝者也沈疑之得民者前貴而後賤者為之驅也

所驅役之人前

得貴寵今忽淪賤然賤者必思貴

明君在上便僻不能

食其意

便僻者不能諂君以得意故曰不能食其意也

刑罰亟近也

既不能得君意故刑

罰數也

大臣不能侵其勢

不能侵君之勢

比黨者誅明也

君明故比黨者

誅之○續辨言刑罰數加於近侍故便僻不能食其意比黨者必誅之故大臣不能侵其勢明字疑行

人君者能遠讒諂廢比黨淫悖行食之徒

行食無爵列

於朝者此止詐拘姦厚國存身之道也為人上者制羣

臣百姓通中央之人

中央之人謂君之左右也左右與君和之也

是以中

央之人臣主之參也

左右之人在臣主之間參會其事者也

制令之布於

民也必由中央之人中央之人以緩為急急可以取威

君雖曰緩左右行之乃為急故能取威也

以急為緩緩可以惠民

君雖曰急左右行之

為緩故能惠民

威惠遷於下則為人上者危矣賢不肖知之於

上必由中央之人財力之貢於上必由中央之人能易

賢不肖而可威

實賢謂之不肖實不肖謂之賢故曰易賢不肖也

黨於下

威當

作為謂能易賢不肖而有能以民之財力上陷其主而

可以為勞於下

用人財力上以陷主即於下以為勞○績按有又也

兼上下以環

其私

上則擅君之柄下則用人財力上下之利皆用繞身故曰環其利也

爵制而不可加

則為人上危矣

勢既凌君故爵制不能加也○績按爵謂前賢不肖之知而加爵位也智謂前

財力之貢而有定制也中人既皆罔上誣下以全其私是入主之爵制不加於人失君柄而危矣

先其

君以善者侵其賞而奪之實者也

先君行善則是侵君之賞奪君之富貴也

先其君以惡者侵其刑而奪之威者也訛言於外者脅

其君者也

假說妖妄之言外以惑衆如此者欲脅君也

鬱令而不出者幽其

君者也

鬱塞也君之令而不  
出行者將欲幽君也

四者一作而上不知也則

國之危可坐而待也

神聖者王仁智者君武勇者長此天之道人之情也天

道人情通者質寵者從此數之因也

質主也能通於天  
道人情者可以為

主其不能通但寵貴之者可以為從  
謂臣也言臣主數因此通而立也

是故始於患者不

與其事親其事者不規其道

言初始謀慮而憂患者乃  
行其事令人為之而不自

與此謂君也○績按始於患者不與其事即下患  
而不勞也親其事者不規其道即下勞而不患也是以

為人上者患而不勞也百姓勞而不患也君臣上下之

分素

有謀慮之患無別謂上患而不勞也

則禮智定矣是故以人役上

人謂

百姓百姓勞其身以供上之役也

以力役明

謂臣勤力役用其明而理其職

以刑役心

刑法也若則役心以出法制也○績按以人役上自君臣言以力役明自等類言以形役心自一身言刑乃形

字訛下同此註及下俱非

此物之理也心道進退

心則度量可否故進退也

而刑

道滔赶

滔謂充也赶謂逶巡曲也設法有當否故有合成也○績按赶巨言切走也

進退者

主制

君心進退所以主為制令

滔赶者主勞主勞者方主制者圓

臣君

之道主得制者其事必有方有圓也

圓者運運者通通則和

圓謂君道也圓而不滯必

運而無碍則通者必暢故和也

方者執執者固固則信

方謂臣道也方而有常故

執而不舍則固固而不妄則信也

君以利和

君道而和則利也

臣以節信

臣則守節

則上下無邪矣故曰君人者制仁臣人者守節此言上下之禮也君之在國都也若心之在身體也道德定於

上則百姓化於下矣戒心形於內

戒慎之心成形於內

則容貌動

於外矣正也者所以明其德

必正然後德明

知得諸已知得諸

民從其理也

於已既不失於人必不妄如此者從理故也

知失諸民退而脩

諸己反其本也

有失於人必脩己自責如此者反其本也

所求於己者多故

德行立

求己多者必脩德進業故德行立也

所求於人者少故民輕給之

求人少者必薄賦欲故人輕於給也故人君者上注臣人者下注上注者

紀天時務民力

上注謂注意於上天故紀要天時務全人力也

下注者發地利

足財用也

下注謂注意於下地故發興地利足於財用也

故能飾大義審時節

上以禮神明下以義輔佐者

所用輔佐皆得其宜

明君之道也能

據法而不阿上以匡主之過下以振民之病者忠臣之

所行也明君在上忠臣佐之則齊民以政刑牽於衣食

之利

君明臣忠則國理國理則人重生故入皆以其養形而牽係於衣食之利也

故愿而易

使愚而易塞

塞止也易用法止也

君子食於道小人食於力分民



食道力不同故曰分民也

威無勢也無所立

必有勢然後有所立

事無為也無

所生

必有為然後有所生

若此則國平而姦省矣

君子小人既食於道力邪惡之

人復無所立生故國平而姦省

君子食於道則義審而禮明

義不審則無所食也

義審而禮明則倫等不踰雖有偏卒之大夫不敢有幸

心則上無危

國既明禮義倫等不踰雖有大夫偏獨出伏罪而怨不敢有幸亂心

齊民食

於力則作本作本者衆農以聽命是以明君立世民之

制於上猶草木之制於時也

草木必得時然後生

故民迂則流之

人太迂曲不行則流通之

民流通則迂之

人太流蕩則迂屈之

決之則行塞之

則止雖有明君能決之又塞之決之則君子行於禮

塞之則小人篤於農君子行於禮則上尊而民順小人

篤於農則財厚而備足上尊而民順財厚而備足四者

備體

謂備具而成體

頃時而王不難矣四肢六道身之體也

四肢

謂手足也六道謂上有四竅下有二竅也

四正五官國之體也

四正謂君臣父子五官謂

五行之官也

四肢不通六道不達曰失四正不正五官不官

曰亂是故國君聘妻於異姓設為姪娣命婦宮女盡有  
法制所以治其內也明男女之別昭嫌疑之節所以防

其姦也是以中外不通讒惡不生婦言不及官事而諸

臣子弟無宮中之交此先王所以明德園姦昭公威私

也

○績按威乃滅字誤

明立寵設不以逐子傷義

明立正嫡設其貴寵子不令逐

而廢之故

禮私愛驩勢不並倫

嫡子者所以傳重也故禮許私愛雖驩之起異

可也餘子之勢終不得與之並倫也

爵位雖尊禮無不行

言嫡子爵位雖復尊異必須行

之以禮也○績按言庶子為兄弟者雖有才有寵亦不以逐嫡子而傷義故禮愛隆而不敢並嫡子爵位尊而

亦事嫡子也註皆非

選為都佻冒之以衣服旌之以章旗所以重

其威也

所立之嫡必選其都雅佻好者又以美衣麗服覆冒之章表旗幟旌異之凡此皆所以重嫡子

之威然則兄弟無間却讒人不敢作矣嫡戚重則兄弟和故讒人無所

作其故其立相也陳功而加之以德論勞而昭之以法

參伍相德而周舉之尊勢而明信之其謂國相則功德兩兼勞法獲美於

此四者參驗伍偶相與俱得其事既周然後舉川之既用之尊勢而明信之也是以下之人無

諫死之認君明相賢必從說如而聚立者無鬱怨之心

聚立謂天下會同也各如此則國平而民無慝矣慝者

也其選賢遂材也舉德以就列不類無德舉有德者以就列位不以

無德之人為類舉能以就官不類無能以德弇勞不以傷年有德

者超於上列使在有功勞者之前故曰有德掩勞苟如  
有德雖年未至而亦將用之不以年少為之傷也

此則上無困而民不幸生矣

有功必賞用之故人不以苟生為幸

國之所以亂者四其所以亡者二內有疑妻之妾此宮

亂也庶有疑嫡之于此家亂也朝有疑相之臣此國亂

也任官無能此衆亂也四者無別

無別謂妻妾嫡庶得不分別也○續按四

者即上四亂也

主失其體羣官朋黨以懷其私則失族矣

國亡則宗

族隨之故曰失族也

國之幾臣陰約閉謀以相待也則失援矣

為國

之機臣下陰為要結其所謀者閉而不泄以此相待人必懷疑而不相親矣故失其援也

失族於內

失援於外此二者亡也故妻必定子必正相必直立以

聽官必中信以敬故曰有宮中之亂有兄弟之亂有大

臣之亂有中民之亂中民謂百吏之屬也有小人之亂五者一作

則為人上者危矣宮中亂曰妬紛言積妬紛然所以亂兄弟亂曰

偏黨偏黨則強弱相凌故亂也大臣亂曰稱述各稱述其已德之長而不相讓則亂也

中民亂曰讐諄謂以智詐讐恐諄實則亂也小民亂曰財匱賦稅重則財匱

故財匱生薄財不供則禮義息故薄也讐諄生慢不重淳實而智詐恐讐之此其慢也

稱述偏黨妬紛生變此三者或生篡君殺主能為大變也故正名稽疑刑

欽定四庫全書

卷十一

殺亟近則內定矣

正嫡庶之名稽妻妾之疑不正者之黨數取其偏近者而刑殺之如此則

黨偏妬紛之變息故內定

順大臣以功順中民以行順小民以務

順用

其務農也

則國豐矣

三者各稱其順故國豐矣

審天時

天時各有所宜也

物地

生以輯民力禁淫務

繡文刻錄淫務

勸農功以職其無事

無事者皆

令得職也

則小民治矣上稽之以數

謂上欲有所徵發必考其定數以命之也

下

什伍以徵

既得其定數下其什伍名以徵之也

近其罪伏以固其意

日期既近

尚有不供者則加之以罪以權伏之所以固供者之意也

鄉樹之師以遂其學

每鄉必立

之師以遂之也

官之以其能及年而舉則士反行矣

舉而有材能者則受

之以官既有年矣則舉其功過稱德度功勸其所能若而考察之如此則皆反其行矣

稽之以衆風若任以社稷之任

既稱其德又度其功則其材能不可不知矣既

知其能順而考之或使之莅衆以立風化其材能尤高者或授之以社稷之任者也

若此則士反

其情矣

有能必任之以職故士反於情也

### 小稱第三十二

稱舉也小舉其過則當權而改之

短語六

管子曰身不善之患毋患人莫已知

言但患身之不善耳無患人不知己

也丹青在山民知而取之美珠在淵民知而取之

丹青與珠

各有可用之性故雖在山泉而藏人猶知而取之況在於人懷善而不知乎

是以我有過為



而民無過命

我身有過則民必知而名之未有無過而妄命者也

民之觀也察矣

不可遁逃

有過必知故不可以遁逃

以為不善

績按此為句言人之觀我甚明豈可遁

逃以為不善也

故我有善則立譽我我有過則立毀我當民之

毀譽也則莫歸問於家矣

人既毀譽則己之善惡審矣故不復問家問家則左右佞

媚者善掩其過而飾其非也

故先王畏民

民之毀譽必當其善過故畏之

操名從人

無不彊也

謂君既行善持名使之延譽故彊也

操名去人無不弱也

君既行惡

持名即是去人善可稱故弱也

雖有天子諸侯民皆操名而去之則捐

其地而走矣

皆持其名而去於人則過惡日聞人共畏之故棄其地而走也

故先王畏

民

無善名則棄之走故畏人

在於身者孰為利氣與目為利

氣也者所以生

全其形目也者所以獨見其運為功用莫大焉故最為利也

聖人得利而託焉故民

重而名遂

聖人之聖精而又神託而行善則譽滿天下故人重而名遂矣

我亦託焉聖

人託可好我託可惡我託可惡以來美名其可得乎

我雖

託氣濁而不神所行皆可惡用此招來美名其可得乎  
○績按別本註聖人託之而可行善故好我託之所行  
皆可惡又安能  
美名招來乎  
愛且不能為我能也  
託既氣濁雖令人  
愛猶不得美名况

於惡毛嫱西施天下之美人也盛怨氣於面不能以為

可好

嫱施雖美而面有怨氣亦不能為可好喻聖人外見其慈亦不得其美名

我且惡面而

盛怒氣焉怨氣見於面惡言出於口去惡充

所往去於人者皆以

惡事充

以求美名又可得乎

喻人君既內無聖德外皆行惡必無美名也

甚矣

百姓之惡人之有餘忌也

惡人不善更有餘忌○續按別本註百姓見惡人之所忌

是以長者斷之短者續之滿者洩之虛者實之

洩虛也長滿者

人所忌故或斷之或虛之短虛者人之所好故或續之或實之也○續按所謂無過不及也

管子曰

善罪身者民不得罪也

成湯罪己故人不罪之也

不能罪身者民罪

之

桀紂罪人故入罪之

故稱身之過者彊也

稱身之過即

治身之

節者惠也

懷智之人然後治身節故曰惠

不以不善歸人者仁也

不以不善

之事歸之於人  
如此者仁也

故明王有過則反之於身有善則歸之

於民有過而反之身則身懼

過反於身則  
懼而脩德也

有善而歸之

民則民喜

民得善  
故喜也

往喜民

善往則  
人喜也

來懼身

過來則  
懼身也

此明

王之所以治民也今夫桀紂不然有善則反之於身有

過則歸之於民歸之於民則民怒反之於身則身驕往

怒民來驕身此其所以失身也故明王懼聲以感耳

人以  
惡聲

懼已耳聞而感則  
心不敢念非矣

懼氣以感目

人以惡氣懼已目見  
而感則身不敢造惡以

此二者有天下矣可毋慎乎匠人有以感斤楨故繩可

得料也。羿有以感弓矢，故彀可得中也。造父有以感轡

策，故邀獸可及遠道，可致

彀謂射質棲皮者也。感謂深得其妙有應於心者也。

天

下者無常亂，無常治。不善人在，則亂；善人在，則治。在於

既善所以感之也。

既盡也。天下所以理在於君人君內外盡善感之於人也。

管子曰

脩恭遜敬愛辭讓除怨無爭以相逆也。

逆迎也。謂用此恭遜等以相迎。

接也。則不失於人矣。

遜以接人有何失乎。

嘗試多怨爭利，相為不遜

則不得其身。

苟為不遜，身尚不得況於人乎。

大哉恭遜敬愛之道吉事

可以入察凶事，可以居喪大以理天下而不益也。

直用恭遜。

敬愛足以理天下更不須益也小以治一人而不損也雖復一身用恭

可足耳亦不須損也嘗試往之中國諸夏蠻夷之國以及禽昆蟲

皆待此而為治亂有恭遜敬愛則理無之則亂也澤之身則榮去之身

則辱恭遜敬愛身之粉澤也故在身則榮去身則辱也審行之身毋怠雖夷貉

之民可化而使之愛夷貉之行殘戾凶暴苟以恭遜敬愛化之可使生愛審去之

身雖兄弟父母可化而使之惡父母兄弟恩情結固苟無恭遜敬愛化之可令

惡往故之身者使之愛惡之是也同是此身有遜愛恭敬則愛無之則惡名者使

之榮辱同是此身之名有恭遜敬愛則榮無之則辱也此其變名物也如天如

欽定四庫全書

卷十一

地

言恭遜敬愛可以變化愛惡榮辱名物之善惡如天地之生殺也

故先王曰道

道者貴作

變化也如此之道而已矣

管仲有病桓公往問之曰仲父之病病矣

若不可諱而不起此病也仲父亦將何以詔寡人管仲

對曰微君之命臣也故臣且謁之

謁謂有所告之也

雖然君猶

不能也

恐其不從故以此言抑之

公曰仲父命寡人東寡人東令寡

人西寡人西仲父之命於寡人寡人敢不從乎管仲攝

衣冠起對曰臣願君之遠易牙豎刁堂誣公子開方夫

易牙以調和事公公曰唯烝嬰兒之未嘗於是烝其首

子而獻之公人情非不愛其子也於子之不愛將何有

於公公喜宮而妬豎刁自刑而為公治內人情非不愛

其身也於身之不愛將何有於公公子開方事公十五

年不歸視其親齊衛之間不容數日之行臣聞之務為

不久

務時為事久必發揚之也

蓋虛不長

覆蓋虛安不得長掩謂上三士皆務虛為蓋者其姦

情終當彰露也矣

其生不長者其死必不終

其所行之行所長之性其至於死必

將改復本情未有能終為意也言三士之忠皆偽忠耳必將復其不忠也

桓公曰善管仲死

已蔡公憎四子者廢之官逐堂巫而苛病起兵

苛煩躁也巫善



欽定四庫全書

管子  
卷十一

今既逐之而公有煩苛之病起兵妄征伐無使療之也

逐易牙而味不至逐豎刁

而宮中亂逐公子開方而朝不治桓公曰嗟聖人固有

悖乎

四子既逐而有四闕故以管仲為悖

乃復四子者處暮年四子作難

園公一室不得出

置公一室之中而園之故不得出也

有一婦人遂從竇

入得至公所公曰吾饑而欲食渴而欲飲不可得其故

何也婦人對曰易牙豎刁堂巫公子開方四人分齊國

塗十日不通矣

既有兵難故國之道塗行旅十日不得通也

公子開方以書

社七百下衛矣

古者羣居二十五家則共置社以社數書於策謂用此七百之書社降下於衛

也  
食將不得矣

作亂欲公之死故不給之食

公曰嗟茲乎聖人之言

長乎哉

言其所見長遠也

死者無知則已若有知吾何面目以

見仲父於地下乃援素幟以裹首而絕

幟所以覆軀也

死十一日

蟲出於戶乃知桓公之死也葬以楊門之扇

謂用門扇以掩屍也

桓公之所以身死十一日蟲出戶而不收者以不終用

賢也桓公管仲鮑叔牙甯戚四人飲飲酣桓公謂鮑叔

牙曰闔不起為寡人壽乎

奉尊者酒祝令增壽

鮑叔牙奉杯而起

曰使公無忘出如莒時也使管子無忘束縛在魯也使

甯戚無忘飯牛車下也桓公辟席再拜曰寡人與二大夫能無忘夫子之言則國之社稷必不危矣

四稱第三十三

謂稱有道之君無道之君有道之臣無道之臣以戒桓公

短語七

桓公問於管子曰寡人幼弱惛愚不通四鄰諸侯之義仲父不當盡語我昔者有道之君乎吾亦鑒焉管子對

曰夷吾之所能與所不能盡在君所矣君胡有辱令

言已

能否皆盡之於君無所隱藏今何勞辱君命而使已言之乎

桓公又問曰仲父寡人

幼弱昏愚不通四鄰諸侯之義仲父不當盡告我昔者  
有道之君乎吾亦鑒焉管子對曰夷吾聞之於徐伯曰  
昔者有道之君敬其山川社稷宗廟及至先故之大臣  
收聚以忠而大富之

先故之臣謂祖考時舊臣也今以忠誠收聚而調恤之令其大富也

固其武臣宣用其力聖人在前貞廉在側競稱於義上  
下皆飭刑政明察四時不貸民亦不憂五穀蕃殖外內  
均和諸侯臣服國家安寧不用兵革受其幣帛以懷其  
德昭受其令以為法式

鄰國以幣帛來聘當取之以懷來有德其或以制令來告者則

君受之以為法式乎此亦可謂昔者有道之君也桓公曰善哉

桓公曰仲父既已語我昔者有道之君矣不當盡語我昔

者無道之君乎吾亦鑒焉管子對曰今若吾君之美好

而宣通也既官職美道又何以聞惡為

言君既美好宣通官又合於美

道修而行之自可為理何須聞於惡事乎以此抑桓公欲觀其意也桓公曰是何言邪以

繻○績按繻所力切

緣繻吾何以知其美也以素緣素吾何以

知其善也仲父已語我其善而不語我其惡吾豈知善

之為善也管仲對曰夷吾聞之於徐伯曰昔者無道之

君大其宮室高其臺榭良臣不使讒賊是舍

舍止也謂止讒賊於

其旁與之近也

有家不治借人為圖

言自不能理其家借他人圖也

政令不善

墨墨若夜

言其昏暗之甚也

譬若野獸無所朝處

野獸各恣意為生不相統

屬故無朝處也

不脩天道不鑒四方有家不治辟若生狂

狂惑者昧

其性不分善惡也

衆所怨詛

詛祝之也

希不滅亡進其俳優繁其鐘

鼓流於博塞戲其工瞽誅其良臣教其婦女

惟與婦女教進也

獠獵畢弋暴遇諸父

其所接遇諸父惟以凶暴

馳騁無度戲樂笑語

式政既縣刑罰則烈

言其法式之政既已縣曲至於刑罰則過酷烈矣

內削其

民以為攻伐

反以削生為伐功也

辟猶漏釜豈能無竭

漏釜則江海不能滿

故必有竭也

此亦可謂昔者無道之君矣桓公曰善哉

桓公曰仲父既已語我昔者有道之君與昔者無道之君

矣仲父不當盡語我昔者有道之臣乎吾亦鑒焉管子

對曰夷吾聞之徐伯曰昔者有道之臣委質為臣不賓

事左右

賓敬也

君知則仕不知則已若有事必圖國家編

其發揮

良臣皆私其所有必能為國家及其發又普編之也○績按別本註盡已之能發揮於政事

循其祖德辨其順逆推育賢人讒慝不作事君有義使

下有禮貴賤相親若兄若弟忠於國家上下得體居處則  
思義語言則謀謨動作則事居國則富處軍則克臨難  
據事雖死不悔近君為拂遠君為輔義以與交廉以與  
處臨官則治酒食則慈。續按一作辭不謗其君不諱其辭君  
若有過進諫不疑君若有憂則臣服之。服行也此亦可謂  
昔者有道之臣矣桓公曰善哉

桓公曰仲父既已語我昔者有道之臣矣不當盡語我  
昔者無道之臣乎吾亦鑒焉管子對曰夷吾聞之於徐



伯曰昔者無道之臣委質為臣賓事左右執說以進不靳

亡已

執說以進於君專寵固位無求於去也

遂進不退

所謂知進而不知退

假寵鬻

貴

假因也因君之寵必能鬻其貴也

尊其貨賄卑其爵位

未必能貴其爵位但尊其

貨賄而已矣

進曰輔之退曰不可

進於君則言己能為輔退而私議則曰君不可輔

以敗其君皆曰非我

由斯人之不肖故君有敗乃更推過於君云此非我

不仁羣

處以攻賢者

小人所忌者君子故羣處常有陷賢之見

見賢若貨

其見賢人無敬

恭之心反欲規利若求貨然

見賤若過

其見賤人無矜恤之心蕭然不顧若行者之過

貪於

貨賄競於酒食不與善人惟其所事

人有曲而事已則與之交也

倨

教不恭不友善士讒賊與鬪不彌人爭

其見人爭則恣令鬪無彌爭之

心唯趣人詔

人有制令不問可否則向而順之言其佞諛○續按詔一本作訟

湛涵於

酒行義不從

從順也

不脩先故變易國常擅創為令迷惑

其君生奪之政

生猶奪政況於死後乎

保貴寵矜

懼寵而矜夸者則保依而貴重

遷損善士

善士則遷改而損升之

捕援貨人

其所捕追而援引者唯財貨之人

入

則乘等出則黨駢

其貨賄之人與之同國則同乘而等至其出也又用黨而駢並

貨賄

相入酒食相親俱亂其若君若有過各奉其身


奉身自利推過

也於君此亦可謂昔者無道之臣乎桓公曰善哉

正言第三十四

闕

短語八



管子補注卷十一

欽定四庫全書

子部

管子補注卷十二

詳校官中書

臣徐志晉

編修

臣倉聖脈覆勘

總校官進士

臣繆琪

校對官編修

臣楊壽楠

謄錄監生

臣莫漢

謄錄監生

臣王錡

欽定四庫全書

管子補注卷十二

明 劉績 撰

侈靡第三十五

○績按此篇多錯簡脫誤不可讀

短語九

問曰古之時與今之時同乎曰同

天地四時既無所易故曰同

其人

同乎不同乎曰不同

古淳而今澆古質而今薄故不同也

可與政誅

言今雖不

同古然可為政誅其不法以復古

佶堯之時混吾之美在下其道非獨

出人也

佶帝佶也言二帝之時比屋可封美俱在下其能若此亦言非有出人之道脩古而已混同也

山不童而用贍澤不弊而養足

山無草木曰童弊竭也

耕以自養

以其餘應良天子故平

以其自養之餘應天子之食故天下平有時而賦曰良也

牛

馬之牧不相及

各自足則自不相及

人民之俗不相知

人至老死不相往來

故不相知

不出百里而來足

行者不出百里而來者所求自足故也

故鄉而不

理靜也

雖得公卿之位不理其事故曰以人靜

其獄一踦腓一踦屨而當

死

諸侯犯罪者令著一隻屨以恥之可也當死刑○績按踦音奇物體不具

今周公斷指滿

稽斷首滿稽斷足滿稽而死民不服非人性也敝也

今周

公謂時所用法也稽考也罪滿而斷則從而考之首滿其罪者亦從而考而考之應斷足所罪滿者又從而考

之凡此欲以為慎審也罪定者死之然人尚不服其罪豈人性之然乎時真故也

地重人載毀

敝而養不足事末作而民興之

載生也今地利既重人之生植穀物吾又從而

毀奪弊盡之所以養不足人既惰於本業故競起而事末作

是以下名而上實也

謂

但有農作之名不得自用而實皆歸於上也

聖人者省諸本而游諸樂

聖人

察人之本游之於富壽之域則倍堯以前為然也

大昏也博夜也

夜謂暗昧之行也令人主

至於大昏者則以博為夜事故也

問曰興時化若何

謂度時興化其理若何也

莫善於侈靡

侈靡謂珠玉者饑不

可食寒不可衣然時共貴之君若不重則彊者守賤有之以招人故度時興化莫若重珠玉以為侈靡也

實敬無用則人可刑

有實謂穀帛可貴而賤之無用謂珠玉可賤而敬之若此則人之賢

不肖可刑也

故賤粟米而如敬珠玉好禮樂而如賤事業本

之始也

言粟常人賤之賢者貴之如常人之敬珠玉未業常人貴之賢人賤之今則賢者之好禮樂如

常人貴末業若此者可謂務本之始也矣

珠者陰之陽也故勝火

珠生於水而有光鑒

故為陰之陽以向日則火炸故勝火

王者陰之陰也故勝水

王之生於山而藏於石故

為陰之陰以向月則水流故勝水

其化如神

言珠玉能致水火故曰如神也

故曰天子

藏珠玉諸侯藏金石大夫蓄狗馬百姓藏布帛不然則

彊者能守之智者能牧之賤所貴而貴所賤

粟米可貴而賤之珠



玉可賤而貴之

不然鰥寡獨老不與得焉均之始也

君不貴而藏之則利

積於彊智雖務鰥寡獨老無所與之今藏之者所以振貧乏故為均之始也

政與教孰急

政者立法以齊物教者調誘以感心用二者何先也

管子曰夫政教

相似而殊方若夫教者標然若秋雲之遠動人心之悲

捫高舉貌秋雲淒慘有愁悵之容高置且遠能生人之悲心喻教者憂人之不令見其戚容人亦為之傷悵之

藹然若夏之靜雲乃及人之體鵬然若謫之靜

藹油潤貌鵬然

和順貌夏雲之起油然含潤將降其澤及人之體去除熱氣而和順雖有謫躁之人亦皆恬靜喻教者洒之溫辭而彊梁者動人意以怨蕩蕩若流水

教者若秋雲之動人意人意既

動則自怨而蕩搖自怨而蕩搖則從教若流水也

使人思之人所生往教之始

也身必備之

教者若夏雲之順適能使人思之人既思之則生其善心教人之始必備此二者然

後可也

辟之若秋雲之始見賢者不肖者化焉

教者既若秋雲始見

而哀憐之又若夏雲之起而潤澤之則天下之賢與不肖無不化也

敬而待之愛而使之

若樊神山祭之

既從聖化人則敬而來待愛而後使尊衛其君若樊落神山設祭而祈福者也

賢者少不肖者多使其賢不肖惡得不化

賢與不肖皆教而使之則

不得不化也

今夫政則少則

即皆從教則人無所犯故於為政少用為則也

若夫成

形之徵者也去則少人使可乎

欲成太平之形以知其徵驗者全能去則而使

之斯太平之先兆也用貧與富何如而可問貧富之中適曰甚富不可使

甚富則驕故不可使甚貧不知恥甚貧則濫水平而不流無源則

遫竭水平不流謂停水也雲平而雨不甚無委雲雨則

遫已平雲少雨又無委雲以助之其政平而無威則不

行此則為政者威以為本也愛而無親則流但行汎愛無所偏親則其愛流漫賢智不盡親

力左有用無用則辟之若相為有非怨雖曰當有所親而用親之理僻

左則有為用者不為用者譬猶言有中上短下長無度

而用則危本不稱或復上得短而下持長其役用之不

危本不稱也

而祀譚次祖犯詛渝盟傷言

譚延也國敗絕祀之事延及次祖更

有犯詛渝盟傷言之罪

敬祖禰尊始也

祖禰人之始也

齊約之信論行也

詛盟欲為整齊要束之信所以論行也

尊天地之理所以論威也

天地以秋冬肅

殺雷震電耀為威為政者所取則故威不可弛之也

薄德之君之府囊也

凡尊始論行

威為政者所當行德薄之君皆囊而藏之故有敗亡之禍

必因成形而論於人此政

行也可以王乎

必因王事之成形論考於人事此為政所行也進而勿失故可以王也

請問用之若何

問用政何如也

必辨於天地之道然後功名可

以殖

天地有尊卑恩威之序故必明之然後可以立功名也

辨於地利而民可富

通於侈靡而士可戚

戚親也貴珠玉以賞士故士可親也

君親自好事

謂好

為政事也

彊以立斷

彊立其志以斷是非

仁以好任

所謂悅以使人人

君壽以

政年

君以所奇考山為政以順年之四時令也

百姓不夭厲

厲發疾也

六畜遮育

五穀遮熟

遮猶兼也

然後民力可得用

人俱富而力全可用也

鄰國之

君俱不賢然後得王

若俱賢則不可得而制難以王矣

俱賢若何

問之

曰

忽然易卿而移

默不肖立仁賢

忽然易事而化

去故而取新

變而足

以成名

變革舊弊故名

承弊而民勸之

承先代之弊而成能名故民勸勉之也

慈種而民富

慈愛以勉種故人富

應言待感與物俱長

應物而後言待感而

後勅所謂應天順人者也故與物俱長也

故日月之明

所謂與日月齊其明

應風雨而

種

風雨應時則以君禮不失故也

天之所覆地之所載斯民之良也

人君

者德包天地首出庶物有生莫能踰故曰人之良

不有而醜天地非天子之事

也

不有上事而又醜惡天地之化此非天子之事

民變而不能變是稅之傳草

稅柱也草皮也稅之附草則外草而內不草也令人有變而君不能變亦外草而內不草之類故取喻焉

有

草而不能草不可服

可草而不草則人有輕君之心故不服也

民死信

人無信不

立故死在信也

諸侯死化

變通之以盡利不化則利竭故死續按別本註德化可以服人則必死

於化矣

請問諸侯之化弊

弊謂久行而無益者

弊也者家也

言國之弊則以家習不革

家也者以因人之所重而行之

非人所重則當革也

吾君長來獵

君長虎豹之皮

君好虎豹皮故來獵

用功力之君上金玉幣

君上用金玉為

幣故用功力也

好戰之君上甲兵甲兵之本必先於田宅

有田宅然

後可以充兵甲之賦

今吾君戰則請行民之所重飲食者也侈樂

者也民之所願也足其所欲瞻其所願則能用之耳

若

於人必足欲瞻願然後可用也

今使衣皮而冠角食野草飲野水孰能

用之

言士既乏於衣食則君之不能用也

傷心者不可以致功

謂富者奢靡而有餘

貧者窘卒而不足則傷心矣傷則無聊而苟且故不能致功

故嘗至味而罷至樂

謂富

者先奏至樂及味至食而罷之○績按別本註罷至樂謂耳倦絲竹也

而雕卵然後淪之

雕揅然後爨之

皆富者所為也揅薪也

丹砂之穴不塞則商賈不

處

超丹穴而求利故不處也

富者靡之貧者為之

富者所以得成此侈靡則兼并貧者

而為此百姓之怠生百振而食非獨自為也

百姓既為富者所兼

則怠於作業故能生此富者之靡富者之所以能成此侈靡亦以百姓振起之故也豈富者能自為乎

為

之蓄化用

今欲為此富貧富之良法當變化富者之用也

其臣者予而奪之

謂臣

富者今欲化之使貧或先少與而後多奪之也使而輟之

使之多使費用然後成其功也

徒以



而富之

或空言與利而令得富且取其物終之也

父繫而伏之

或加父罪而繫之子必贖

父予虛爵而驕之

或空與爵名而無其位以驕此人令有所貴用也

收其春秋

之時而消之

富者先財物以射春秋之利今則官自收而消也

有雜禮我而居

之

或有費用財物雜禮於我若此者順其意而居之

時舉其彊者以譽之

又富而

則為之作聲譽或令有所統率

彊而可使服事

服行也彊者服事事必成也

辨以辨

辭

其有辨明者則令辨繁辭

智以招請

富而多智則使招來而請謁也

廉以標人

而富

清廉則使為人標式

堅彊以乘六廣其德以輕上位

君能堅意彊力以乘上之

六者可以廣其德又可以分其上之任故位輕者也

不能使之而流徙此謂國亡

之邾

若不能使仕上之六者乃流而移徙之斯亡國之邾也

故法而守常

謂古法得其制者則

守常故不革也

尊禮而變俗

流遁之俗則當變之

上信而賤文

虛文而寡用故賤之

好緣而好駟

緣即捐也駟馬之壯健者怯惡者必亂故棄之喻寡人之雄亦亂國當絕之也此

謂成國之法也為國者反民性然後可以與民戚

戚親也反

者寔也順其性欲必敗亡若能反之然後有成可與之親之也

民欲佚而教以勞

勞致於耕

整則有功民欲生而教以死

死致於寇難則有功也

勞教定而國富

積財

也死教定而威行

致死則莫能當其鋒故威行也

聖人者陰陽之理

言法

陰陽之理故平外而險中

此則含陰於內發陽於外也

故信其情者傷其

神美其質者傷其文

情盛則神滅也

化之美者應其名

實應其名故化

也變其美者應其時

事應其時故變美也

不能非其端者蓄及之

來事之端不知其兆者

常失於幾故蓄及之也

故緣地之利

緣順也

承從天之指

指意也當承順天之意也

辱舉其死

辱猶逆也逆天地以舉事則死也

開國閉辱

若能

開國以納善言則辱可閉也

知其緣地之利者所以參天地之吉綱

也

知能順地之利則能參天地之吉綱

承從天之指者動必明辱舉其死

者與其失人同

逆天舉事故與失人同也

公事則道必行

公事則無擁故其道

必行也

開其國者玩之以善言

有善言可玩故開國以納之也

柰其辱辱

亦既有得當奈之何唯有報犇爵祭神以謝過耳

知神次者操犧牲與其珪璧

以執其犇

當全巫祝知神之次扶者操牲及珪璧執犇爵以禱神而謝逆舉之罪也

家小害

以小勝大

祭祀之費家雖有小損因此小損以勝大灾

員其中辰其外

既以謝過

又當員中心無所專固有善則徙無失外事之時也辰時也

而復畏彊長其虛

其有彊大

於己者則當長其謙虛之心而敬畏之也

而物正以視其中情

其於物也雖有外正猶未

可信又當視其中情以驗之也

公曰國門則塞百姓誰敢敖胡以備之

謂冠有至國門以塞百姓警衛而誰敢傲者事主於如此何救而可也

擇天下之所宥

謂不

為天下之所疾者

擇鬼之所當

謂為神所補助者也

擇人天之所戴

謂為人所

戴仰也而亟付其身此所以安之也得此三德之人付其身而任之雖有寇賊

無若我何故安也彊與短而立齊國之若何謂寇賊既持彊弓又執短兵列陣而

立以攻齊國若之何禦之此亦公問之辭高子之名而舉之高舉其名則歡悅也重子

之官而危之與之重官則不避危亡也因責其能以隨之猶餒則踈

之母使人圖之責知其能隨而任之則自課厲而無所顧望使人圖之為戚猶踈也○績按餓

韻書當足恐當作戚字誤猶踈則數毋使人曲之因不寵任而踈己者則數加恩意以

悅之無使人見怨陰謀曲求己隙者也此所以為之也撫人若此可以禦止彊與短兵之寇

也大有臣甚大將反為害謂大臣富既有臣且甚大甚大則逼君故將反為害吾

欲優患除害將小能察大為之柰何

言我且欲寬優此患漸除其害每見其

小能則察知其大欲為此事如何亦公之問辭也

潭根之母伐

潭深也此以大樹喻惡也譬若

大樹深根不可伐大臣根黨盤亦未可卒誅

固事之母入

既未能誅且固事之無得入同其惡

也深煎之母涸

煎謂探其深情常令見之無使涸竭也

不儀之母助

儀善也彼

為不善母得助佐之也

章明之母滅

當發人不善令人皆知之無使昧滅也

生榮之

毋失

謂生纂殺之心若草木之生榮此其可誅之時必不得失之

十言者不勝此一

謂今他事有十言之善不如此一言也

雖凶必吉

忍而容之屈而事之凶也惡稔易誅吉也

故

平以滿無事而總以待有事而為之若何若

總謂收積也故使國

家從故平安之時滿積其財以無積者立餘○績按餘一作爲

食而侈美車馬而馳多酒醴而靡積謂富而積財者富而侈食美車多醴財

有所散因其散以收之千歲毋出食此謂本事雖復千歲常令自食其財無使他外

則富者之財可得而收之此積之本縣人有主縣謂繫屬也言欲繫屬於人必有所主主於財人

此治用官既積財人則於官取之以理其器用也然而不治積之市謂不取官財以

理其用翻乃積之於市使高價得其利也一人積之下一人積之上此謂利

無常財既入市則公私共積之上雖積一分下亦積一分上可謂利無常也百姓無寶以

利為首百姓無他寶惟以利為寶之首一上一下惟利所趨積利多者百姓則從

而歸之也

利然後能通通然後成國

無利而不通則國亡也

利靜而不

化觀其所出從而移之

利而不化者則由所出不變故也觀而移變之

視其不

可使因以為民等

等謂率而齊之不可使謂其人非有文武之材又不任作役若此者使之

率與利之人而齊之也

擇其好名因使長民

其有好虛譽之名者則擇之使為興利者

之長○績按別本註好名之人必盡知竭能以干虛譽故使為民之長也

好而不已是以為

紀好名不已財乃彌積故為國紀

功未成者不可以獨名

積財之功未成則無獨與

之名也

事未道者不可以言名成功然後可以獨名

衆共言此

人有名○績按別本註獨擅名譽

事道然後可以言名然後可以承致



酢

既有獨名又有言名然后先其士者之為自犯人有

當推以為先今反自先

後其民者之為自贍

人能興利亦當先之

充國今乃後之是自

輕國位者國必敗

輕國位則有散居之心故國敗

也 踈貴戚者謀將泄

踈貴戚則有外顧之意故謀泄

毋事異國之人是

為失經

異國之人所謂非我族類者也今而仕之其心異此謂失國之經也

毋數變易是

為敗成

數變易則事繁而無功故曰敗成

大臣得罪勿出封外是為漏

情毋數據大臣之家而飲酒是為使國大消

飲酒於臣家則威權

移焉物不兩盛故臣彊則國消也

三堯在臧於縣返於連比若是者必從

是嚮亡乎

雖使三克在賊但懸其物而不散施之終亦不能守其物亡必不返於連比之臣臣既得

之自用樹福則國從是嚮敗而亡乎嚮即與字也

辟之若尊譚未勝其本亡流

而下

譚延也雖克守臧不施必亡尤如尊位將反而未能勝其本此位既不可得自然流而下也

不

平令苟下不治

凡治理下者必先能平令既不平令雖下而不理也

高下者不

足以相待

自處其高欲下待上必不待之也

此謂殺

事立而壞何也兵遠而畏何也

此謂殺君之事其事既立而後壞如此者何也

即以德不素積故也

民已聚而散何也

人不歸無道故也

輟安而危何也

神不佑故也皆謂篡弑

功成而不信者殆兵彊而無義者殘不謹

於附近而欲來遠者兵不信

欲來遠者必謹於附近然後遠人來信也

畧近

臣合於其遠者立

畧禮謂不繁也言於近則畧之於遠則合之若此者則可以立功○績按

據文當作事立而壞

亡國之起毀國之族則兵遠而不畏

先有疎國之宗

族漸以至三者若此則兵皆逃遠無兵則威息故不畏也○績按別本註宗族國之藩屏若毀之則國弱兵冠

遠而不畏也

國小而脩大仁而不利猶有爭名者累哉是也

不量國之小好脩遠大雖復行仁不遇其利而猶與他國爭名是必自累者也

樂聚之力以兼

人之彊以待其害雖聚必散

好自勉以聚人力欲兼他人之彊用此以禦危害如

是者先雖聚後必散也

太王不恃衆而自恃百姓自聚供而後利

之成而無害

太王亶父為狄所攻乃去幽之岐杖策而往百姓曰仁君也不可失扶老攜幼而從

之一年成邑二年成都三年五倍其初言大王雖有衆不恃但自恃其德故百姓隨而聚之供其所須而利之

遂至於成功而無危害者也踈戚而好外企以仁而謀泄賤寡而好

大此所以危

言自己親好交外人雖企慕於仁而所謀多有泄漏既賤且寡好為迂大凡皆危敗

之道衆而約謂與衆為約束也實取而言讓謂實取於民而言遜讓行陰

而言陽

於行實為陰密在言更成顯陽

利人之有禍

謂因禍而生利

言人之無

患

人雖實禍於言乃為無患

吾欲獨有是若何

凡此獨君之事也問獨有之何如自衆而

約以下皆公問之辭也

是故之時陳財之道可以行今也利散而

民察必放之然後行

管氏言此乃古之陳說致財之道亦可行求於今然利散於下人則

察而知之置之於身勿令下知然後可以行放置之言也公曰謂何

問所以行之

長喪以

黜其時

黜黜也居喪者毀厝之息謂增長叛居喪之禮使人皆黜之敗也

重送葬以起

身財

重送葬則費用廣驕慢則不及事由人一親往一習為精厲無事不怠故能起身之財也

親來所以合親

謂一親往死一親來生觀無絕時故曰合親

此謂衆約

人皆親教之重

葬可以起財故曰衆要之也

問用之若何

問用衆要

巨瘞培所以使貧民

也

瘞培謂壙中埋藏處深培也貧人雖無財而有力故教之巨瘞培以役其力也

美壟墓所以

文明也

壟墓高美文明而不滅也

巨槨棺所以起木工也

人習為棺柳則增長

木之工

多衣衾所以起女工

習為衣衾則增長女工也

猶不盡故有次

浮也

謂上之禮猶有不盡也次浮謂棺槨壅墓之外遊飾也

有差樊

樊蕃也謂壅墓之外樹以

蕃其制尊卑之差此壅墓之次浮也

有瘞藏

謂古之瘞藏或以藏金玉器物之類此棺槨之次浮也

作次相食然後民相利守戰之備合矣

方喪之時孝子荒迷或不舉火

鄰里為食以相飼如此則人迥相衛親恩情結固至於守戰之時必誠力齊敵而不能當之矣

鄉殊

俗國異禮則民不流矣

流移也俗禮殊異則人各得其所安故不流也

不同法

則民不困鄉丘老不通覩誅流散則人不眺

丘大也老者各足

於其所不相交通流散於其鄉則誅之今其覩如此則人安其本不眺望他所而歸之

安鄉樂宅

享祭而謳吟稱號者皆誅所以留民俗也

皆令安樂鄉宅享祭先祖

其有謳吟思於他所者則誅之或有稱舉號吟於他所鄉者皆誅之凡此所以留止人俗不令轉移也

斷

方井田之數

謂分人之地每斷定其方而立之田數屋三為井也

乘馬甸之衆

每

甸之衆數賦長轂一乘馬四匹謂之乘馬十六井曰丘四丘為甸

制之陵谿立鬼神而

謹祭

每大陵深谿皆有靈焉立鬼神之祠使人有禱祈而致祭也

皆以能別以為食

數示重本也

人之大小各有材能多者食多能少者食寡故曰以能別為食數凡此皆重人本之

事者故地廣千里者祿重而祭尊其無餘

言不脩祭以餘地與飼也

地與他若一者從而艾之

從謂次受封者艾謂減削也言脩祭之君受地與他同故

曰若一者則減削其地與次受封之君也

君始者

謂始為君者也

艾若一者從于殺

與于殺若一者

言始受封之君本既無地故取先受君者彼或不與從而殺之彼或自取與受

而殺之彼自與于始封者令與先受封者地均若一也

從者艾艾若一者從于殺

與于殺若一者從無封始王事者上王者

言從者先無封令始王事

故艾取他國之地與先者均齊若一則止也

上事霸者生功言重本

言諸侯既受地

分則上事霸王隨政命以生立其功凡此皆為重本也

是為十畝分免而不爭言

先人而自後也

畝猶區也十區謂十里之地每里為一畝故曰十畝若他國來分明勸勉而與

之不敢交爭如此者所以先陳他人自取其後也

官禮之司

每言國官禮各有私

昭穆之



離

離謂次位之別也

先後功器事之治

功有大小器有精粗各定其先後之差也

尊

鬼而守

尊鬼謂謹其享祭之禮也

故戰事之任高功而下死本事

戰士

雖有高下之殊各令死其本事也

食功而省利勸臣

飼其有功省其無功則臣勸也

上

義而不能與小利

上當操大義而主斷不可顧小利而移也

五官者人爭其

職然後君聞

官爭理職則國治故君名聞於天下

祭之時上賢者也

謂助祭之

時賢者居上為儀而已非能有所益

故君臣掌

祭者掌禮以行事所用其智謀或君有故使臣攝之

事亦無曠故曰君臣掌也

君臣掌則上下均

臣能行君事故上下均也

此知上賢

無益也其亡茲適

祭祀之時非不上賢但庸臣亦能行君之事無損於令主人雖云上賢而

不用其智謀與祭時適故曰無益既

上賢者亡

謂空上之而已

不能動皆遠理故茲適於危也

而役賢者昌

用賢其功成故國昌

上義以禁暴

義者所以除去不宜

故禁暴也

尊祖以敬祖

祖始也尊立祖廟所以敬始封之君也

聚宗以朝殺示

不輕為主也

謂聚會也小之封宗以朝於君而有親疎之殺凡此為主之重者也

載祭明

置

載行也言將為行祭至明而置之欲人不知也

高子

聞之以告中寢諸子

高子齊大夫聞君之將行故告中寢諸子諸侯諸子之居中寢者

中寢諸子告寡人舍朝不鼎饋

常禮退朝常鼎饋而食今不然故致怪之也

中寢諸子告宮中女子曰公將有行故不送公

言何故不送公

也公言無行女安聞之曰聞之中寢諸子索中寢諸子

而問之寡人無行女安聞之吾聞之先人諸侯舍於朝

曰不鼎饋者非有外事必有內憂公曰吾不欲與汝及

若

若不欲與汝論此言也

女言至焉不得毋與女及若言

至謂盡理也

吾欲致諸侯諸侯不至若何哉女子不辯於致諸侯

婦人

無預於外事故不明於致諸侯之理

自吾不為汙殺之事人布織不可得

而衣

汙殺言為人必有所汙殺染戮者所以服遠而來近今既為人雖織不得已用故有布不得而衣言

此者欲桓公立威以伏其諸侯也○績按汙殺之事人猶言屈已下人也餘註見前戒篇雖有聖人惡用之言

不下人則諸侯不至故雖有聖人惡用之服者寡也民雖聖人亦無用也

亦何能用之堯為匹夫能摩故道新道定國家然後化不能服三家即其事也

時乎摩謂新其事也故道謂先王之典則新道謂度時而制法言能摩故道以成新道定國安家然後可

以化時也國貧而鄙富苴美於朝市國言朝國貧而邊鄙富饒若此者邊鄙之邑

必苞苴財貨好遺朝以市權利也國富而鄙貧莫盡如市國富財故富鄙輸貨故貧

其取富平反也其物莫知盡入於市以市人不虛取故鄙人不虛與故也市也者勸也勸者

所以起本善農者能多致市利則自勸而不急故能起本也善而末事起不侈

本事不得立侈謂饒多也末事不饒多農事不給故本事不得立矣選賢舉能不

可得惡得伐不服用

欲伐不服用  
必待賢能

百夫無長不可臨也

若無賢雖百夫  
之長無人為之

千乘有道不可脩也

雖千乘之國有道  
以用之則不可脩

營而伐  
之也

夫紂在上惡得伐不得

紂在上位萬人懼之鬼  
神怒之雖其旅若林莫

不倒戈自伐故無  
有伐而不得者也

鈞則戰守則攻

言伐者力鈞則與之  
野戰城守則圍而攻

之百蓋無築千聚無社謂之陋一舉而取天下有事之

時也

言紂人苟且雖有聚之夫不立一社以統之如此  
者為政之陋也故武王一舉取天下而有之此萬

代一時  
之事也

萬諸侯鈞萬民無聽

雖使萬諸侯鈞引於人  
人必不聽此言王者貴上

位不能為功更制其能王乎

居上位不獨立其功不更  
共制之若此者必不能王

也緣故脩法以政治道則約殺子吾君故取夷吾謂替

子君之子也其能緣順故常脩理法制為政不違於道若此者可共謀要殺君子之不當獨立者吾君所以取夷吾為替者公曰何若明何以獨對曰以同以其德智

其日久臨可立而待鬼神不明謂君子之不當立者雖

待其享祭鬼神之神之禮又不能明也囊橐之食無報明厚德也此論桓公

囊橐之食遺人不求其報所以明厚德也沈浮示輕財也其散施於人不顧

也不得其報曰沈得報先立象而定期則民從之先立

曰浮或曰祭川曰浮沈謂先人禱朝縷綿明輕財而重法象

與人定期人則故為禱神祈福祥

名緯帛也言每於朝置緯帛以賞賜所明者輕財而重名也公曰同臨所謂同者其

以先後智渝者也

所謂臣德同君者能先後於君其遇危難則智謀變而通之詩所謂予以

有先後是也

鈞同財爭依則說

假令財與人鈞同人則悅而爭依於己

十則從

服若財十倍多彼則服而從之也

萬則化成功而不能識

若財萬倍多彼則變化而

無不如意故可以成功而觀者莫能識之

而民期然後成形而更名則臨矣

人心期以為主相與樂推然後成形於以名前所服之人則臨之以為君

請問為邊若何

問所以防御邊境

對曰夫邊日變不可以常知

觀也

邊者兩國交爭寇狄伺鄰日有變當應機而動故不可以常智觀也

民未始變而是

變是為自亂

未變者應機未發且當循常而伺之令人未當變而輒為變此謂先時也更益其亂

故曰是為自亂也

請問諸邊而參其亂任之以事而因其謀

諸邊則四邊也謂參驗知

其委變之亂然後以事任之因其所謀而用之此已上公問之辭也

方百里之地樹表相

望者丈夫走禍婦人備食

謂百里之國自國都至邊境每於高顯之處樹立其表使

遞相望其有寇賊之禍丈夫則走而奔命婦人則備食以餽之也

內外相備

外拒寇以防內內備

食以給其外故曰相備也

春秋一日敗事曰千金稱本而動

春秋種獲尤為

農要此二時而有戰敗但經一日敗費千金故為國者必當稱本而動也

候人不可重也唯



交於上能必於邊之辭

候人謂謁候之來入國者候人入國或伺我虛實覘我動靜不

可使重之唯有能與上交必定邊境之辭至當不易者其可重也

行人可不有私不有

私所以為內因也

行人使人也若何而可唯不有私耳無私則意成故能為國內成事也

使能者有主矣而內事

使人出境必有所主其所主者欲成內國之事也

萬世之國必有萬世之寶

無萬世之寶不能成萬世之國也

必因天地

之道

天地之道順以動者也

無使其內使其外

應內而外失外情也

使其小

毋使其大棄其國寶

應小而失大事之宜大臣國之寶也今非理使之故曰棄國寶也

使其大貴一與而聖稱其實使其小可以為道

謂使其大臣當

尊之一與其事必無轉移如此則舉  
軌有成能立聖人之功謂稱其實矣  
能則專專則佚使

其能於事必專專  
椽能踰則椽於踰椽猶梯也謂鑿椽以為梯凡欲踏越

則成功故佚樂也  
高遠必因梯而後能若不因梯直欲踰之則不能踰矣  
然則踰因梯而踰矣此喻成功必有良臣賢佐然後事

遂而名  
能宮則不守而不散宮謂防禦之國四國也能有四國之宮則不有寇難

若無宮直欲守  
之其衆必散也  
衆能伯不然將見對伯長也謂材能之士衆必能為之長

若不能長之豪傑之士將來  
對己以兩雄兩雄角之道也  
君子者勉於紕人者也君子

者德民之稱故但紕  
察人不為人所紕  
非見紕者也故輕者輕重者重前

後不慈  
輕謂臣也重謂君也凡君臣所以能相慈者輕  
能事重重能制輕然後慈惠之心油然而生矣今

輕自在輕重自在重或前或後不相交接否之謂也何慈之有乎凡輕者操實也臣須君食

故必操以輕則可使輕而操實則可使也重不可起輕雖重無實則輕不可

起輕重有齊重以為國重者不恨則以為國輕以為死可以道使輕可以致死

毋全祿貧國而用不足欲全其祿不以與下則賢去而人散故國逾貧而用逾不足也

毋全賞好德惡亡使常雖曰好德全賞而不與雖曰惡亡所使者乃常人若此者敗亡

道之

請問先合於天下而無私怨謂與天下合同人皆樂推故無私怨也犯彊

而無私害雖犯於強乃以公義故無私害謂責楚苞茅之比也為之若何對曰國

雖彊令必忠以義

令忠以義雖強必得之也

國雖弱令必敬以哀

令敬

以哀雖弱必免也

彊弱不犯則人欲聽矣

犯雖輕弱則人違之

先人而自

後而無以為人也

先人自後大國禮之何人之為也

加功於人而勿得

施功而不求於報也

所橐者遠矣

橐貨而國民者當遠之也

所爭者外矣

交爭無禮

者當遠之外也

明無私交則無內怨

私交則不公而偏故內怨起之

與大則勝

能親與大國故得勝

私交衆則怨殺夷吾也

使君私交者夷吾之由故恐衆怨而殺之

如以予人財者不如無奪時如以予人食者不如無奪

其事

不奪其事則各安其業食無不足也

此謂無外內之患事故也

財食足則

外內之患亡也

君臣之際也

君臣非有骨肉之親但以禮義相接也

禮義者人君

之神也

禮義在則君尊臣卑萬人以寧故曰神

且君臣之屬也

以義相屬

親戚

之愛性也

相親相愛性也

使君親之察同索屬故也

索求也君親於臣子

同求其愛敬矣故事也臣雖屬君當以事親之故事君

使人君不安者屬際也

使

不安其位者則臣但以義際君無愛敬故也

不可不謹也

臣無愛敬或化為仇故不可不謹之

也賢不可威

威賢則邦國殄瘁

能不可留

材能當引用之不可留之於彼身

杜

事之於前易也水鼎之汨也

姦罔之事先其未然而杜塞之則甚易猶水之在鼎

以烹之食事亦不擾也

人聚之壤地之美也

由壤地美故人聚之也

人死之

若江湖之大也

人所以為君致死者由君量若江湖水之大無不容納故也

求珠貝

者不令也

君之於人有所簡擇若求珠貝之為人必去而不令之

逐神而遠熱交

解者不處兄遺利

君之於人也使敬之若逐神畏之若遠熱其逐神者交解祭祀不敢留處

其遠熱者雖有兄弟之親亦遺利而去君之尊嚴莫與大誰敢窺覷之哉○續按兄古況字

夫事左

謂人君行事不得正

中國之人觀危國過君而弋其能者豈不幾

於危社主哉

中國謂得禮義之中國也弋取也中國之人見危國過君不能用賢道為己用如此

則過君之社主近於危也

利不可法故民流神不可法故事之

神亦不得

其法不知神之所在故畏敬事之所謂陰陽不測者也

天地不可留故動化故從

新天施地化日夜不息故能生成不已以天地變化不可留停故動化其故以就其新然亦循故之四時周

而復始無所易之也○續按別本註是故得天者高而

不崩

謂得天變化日新之理故得常保其尊高而不崩壞也

得人者卑不可勝

得人

則衆歸之故雖卑不可勝

是故聖人重之

謂重天也

人君重之

謂重君也

故至

貞生至信至

貞正也謂正心生則至信生而應之也

言往至綏生

綏謂急言私已

今空以言往而無其實則至綏已言生而應

至自有道

正生則信至言往則綏來皆有因而然故

曰至自不務以文勝情

以文勝情情彌虛也

不務以多勝少

少是能正

衆非故多不動則望有牆

君子儼然不動則望者如牆焉

旬身行

旬均也君

子身行必令均平正直

法制度量王者典器也

理國之常器也

執故義道

畏變也

君人執守故義以尊於道者畏輕躁之人妄有所變也

天地若大神之動

化變者也天地之極也

若能祀神而動變化流弊天地之極理善莫大焉

能與

化起而王用則不可以道山也

若能隨神化而起王者有天下其所運用則不

可以常道格之其富饒取類於山也

仁者善用智者善用非其人則與神

往矣

非其人尚能用之則明無不用如

衣食之於人也

不可以一違日也

一日違衣食生理或幾乎不全也

親戚可以時大也

謂時大聚會之以結其恩意

是故聖人萬民艱處而立焉

人者難靜而易擾故



聖人處立其上常有戰兢之心畏難之也人死則易云死者無所為不憂其為亂故易云也○績

按云旋而歸之也詩婚姻孔云生則難合也生者有利之心合而無防合生存謀故難合也故

一為賞再為常三為固然謂一時行其賜人則欣賴以為賞頻再為之則人以為常謂

至此時必當有賞頻三為之則其小行之則俗也若小以為理固當然無懷愧之心

賞則人習之以為俗無過厚之恩也久之則禮義久而一行厚賞則人荷德而懷恩此禮義之正

者也故無使下當上行之無使下人每至時承當若上必行之賞也然後移商

人於國非用人也下既不希上賞則專意於市故商人皆移來於國也不擇鄉而

處不擇利而使商人常隨利往來故出則從利入則不

守

商人出國惟從利焉其入國遇寇難則恒怯而苟且不為君城守也

國之山林也則而

利之

商人雖不為國用亦有利於國猶山林也隨取而得其利焉則當容受而取其利也

市塵之

所及二依其本

市則衆聚喧囂尤多塵埃今使工商故二族依之以為本此亦處物之宜也

上侈而下靡

得商賈之利故上侈下靡

而君臣相上下

得商賈之用故衣之章著

上下儀相親則君臣之財不私藏

相親則情公故不私藏財

然則貪動

枳而得食矣

枳棘者所以擁塞也農人貪商賈而動者則多擁塞其幸者但得貪食而已無餘利

也徙邑移市亦為數一

其有田邑之人今移於市此亦為費數而得一耳也

問曰多賢可云

問多賢之理可言不

對曰魚鼈之不食呬者不出

其淵樹木之勝霜雪者不聽於天

霜雪不能殺是不聽於天也

士能

自治者不從聖人

能自理者則有餘不從聖人而求之也

豈云哉

能自理則雖聖

人不能致自此之外何可云者也

夷吾之聞之也不欲強能

材能不慕已

勿強引之也

不服智而不牧

士之材智上不牧則勿養之

若旬虛期於月

津若出於一明然則可以虛矣

匝一月曰期津明潤貌君人之道當若每旬之

虛而任數自期以來日既至津然後出一明矣如此虛而任數理足自明人但虛懷接物賢才自至亦猶是也

故阮其道而薄其所予則士云矣

士之道藝則能阮而服之至人所與則薄

而少之如此則必

不擇人而取之謂之好利

遇人則與無所簡擇

可謂多所愛所愛多不當審此兩者以為處行則云矣兩者謂不擇取與不擇而

取寧不取而與用此以為處身之行則其理可云矣不方之政不可以為國不方之政

謂邪也曲靜之言不可以為道也靜謀節時於政與時往矣

凡為節度當合於時所施政教與時俱往不動以為道齊以為行守正不動

整肅然以此為行也避世之道不可以進取苟避世則晦明藏用若無所能故不可進

取陽者進謀幾者應感顯明其事者欲進而為謀再殺

則齊一殺尚有參差必再殺然後可齊然後運可請也

既齊則天下服故請問歷教之運將陟對曰夫運謀者帝位也陽者進謀已下公問之辭也

天地之虛滿也合離也

言厯運之謀崇替相因若天地之有滿虛合離乃理之不可已

者已春夏為合秋冬為虛

春秋冬夏之勝也

若無春秋冬夏之變則不能相勝而成歲有道

之代無道亦猶是也

然有知強弱之所尤然後應諸侯取交

尤殊絕也

謂應運而王者必有智而強殊絕於衆然後應諸侯可以取天下之交

故知安危國之所

存以時事天以天事神

謂以神禮事也

以神事鬼

謂依時而享鬼也

故

國無罪而君壽而民不殺智運謀而雜橐刀焉

雖用智謀亦須

成以成之故曰雜橐韜也

其滿為感

感則物應故滿也

其虛為亡

亡則物散故虛也

滿虛之合有時而為實

滿時為實也

時而為動

虛時為動散也

地陽

時貸

地在陽時假貸萬物精氣以長養也

其冬厚則夏熱其陽厚則陰寒

厚謂過於寒熱冬有極寒夏有極熱夏有極熱冬有極寒

是故王者謹於日至

謂冬夏至

也當知二至之寒熱

故知虛滿之所在以為政令

知其寒熱之虛為時令以順之

已殺生其合而未散可以決事

時冬時既有肅殺其萌芽內發欲生也然其時

方寒合而未有時可以決斷罰罪之事也

將合可以禹其隨行以為兵

禹謂事端

初見也謂夏末初秋之時寒涼方至將凝合初見其禹隨此時而行可以為兵威也

分其多少以

為曲政

兵之所由各有多少隨其多少委曲為政

請問形有時而變乎

謂歲年吉凶之變可知

對曰陰陽之分定則

甘苦之草生也

陰陽之分定於吉則甘草生苦是也定於凶則苦草生甘是也

從其

宜則酸醎和焉

謂從四時之宜以酸醎之味和而食焉若春多酸冬多醎是也

而形色

定焉以為聲樂

酸色青醎色黑青聲角黑聲羽皆定色而生聲

夫陰陽進退滿

虛亡時其散合可以視歲惟聖人不為歲

言陰陽滿虛散合可視知

歲之豐荒也

能知滿虛奪餘滿補不足

聖人善識滿虛之所在故奪有餘者補於

不以通政事以贍民常

或滿與虛萬人均平故能通達政事贍足於民使修常道

地

之變氣應其所出

謂地見災變之氣應其所出之處設法以禳之

水之變氣應

之以精受之以豫

水見災變之氣則當應之以精誠其詳不舛當受之者須預有所防備之

也天之變氣應之以正

天見災變之氣惟守正以應之也

且夫天地精

氣有五不必為沮

謂五行之時也其時之氣不能必則為沮敗也

其亟而反其

重陔動毀之進退即此數之難得者也

其為沮敗也或纔有形而違反

者或遲重滯礙久而不去者或發動而有所毀傷者或乍進乍退者凡此皆災敗之數難得而知之者也此

形之時變也

謂歲年之形有變也

沮平氣之陽若如辭靜

言欲沮敗平和之陽氣默至而無形聲如辭言之靜者

餘

氣之潜然而動愛氣之潜然而哀胡得而治動

災之餘氣潜然

發動愛怜之氣已潜然而哀則氣候之動難知者也故曰胡得而治動自沮平已下公問之辭對曰得



得之衰時位而觀之

得其沮氣衰敗之時立分位而觀察之

怡美然後有

輝

怡深思貌謂深得其美理然後情悅而貌輝然也

脩之心其殺以相待

既知灾氣

之所召則脩德於心以待之也故有滿虛哀樂之氣也

當察

灾而得禳或滿而樂或虛而哀也故書之帝八神農不與存為其無位

不能相用問運之合滿安臧

易之所存五帝謂伏羲神農黃帝堯舜書之所記三

王夏殷周然於八帝之中神農所存事迹獨少則以不為位以觀灾處氣又不用公問自今之後運之合滿何

所藏隱可得知之者乎

二十歲而可廣十二歲而聶廣百歲傷神

管氏對曰從今之後二十歲天下安寧禮義可廣又十歲代將亂而攝其廣又百歲之後天下將分鬼神之

祀絕矣

周鄭之禮移矣

禮移則俗變也

則周律之廢矣

周之法則壞矣

則

中國之草木有移於不通之野者

時既戰爭廢於農事稼穡之地荆棘生焉

故草之屬移變於不通之野

然則人君聲服變矣

聲謂樂聲衆亂則聲服俱變

則

臣有依駟之祿

依稱也代衰則臣富故臣多養駟馬及其受祿又以稱之

婦人為政

鐵之重反旅金

君幼則母后為政鐵者所以為兵器當重之謂下流卑識不重鐵反旅陳於金

而玩之也

而聲好下曲食好鹹苦

謂聲之下而悲者食多鹹苦之味者婦人所好則

人君日退亟

既使婦人為政則百度昏君人之衰也日以亟矣

則谿陵山谷之

神之祭更應國之稱號亦更矣

更改也國衰則神之祀改其所應祭國之稱號

亦更矣市朝既變後聖視之亦變目視而取節令旌觀

既作故改其號國者也麾之屬亦變矣之風氣古之祭有時而星或祭星以祈風有時而星

燐星之明或有祭明星者有時而燐燐熱甚也或有祭有時而胸胸遠也

為來歲祈福鼠應廣之實陰陽之數也鼠應廣之實鼠憂也凡此皆

為祈福而祭之調陰陽為物也華若落之名祭之號也言祭時為物作

荏物益其光輝也是故天子之為國圖具其樹物也美號若花落之

管子補注卷十二

欽定四庫全書

管子補注卷十三

明 劉績 撰

心術上第三十六

短語十

心之在體君之位也

心之在體當身之中凡身之運為皆心之所使故象君位

九竅

之有職官之分也

九竅則各有職司不能以此代彼若百官之有其分也

心處其

道九竅循理

心之君處常能順道則九竅所司各循理而應也

嗜欲克益目不

見色耳不聞聲

嗜欲克益動違道則由九竅失其司目有所不見耳有所不聞也

故曰

上離其道下失其事

上順道則下事得

毋代馬走使盡其力績

按後母上有君字

毋代鳥飛使弊其羽翼毋先物動以觀其則

動則失位靜乃自得道不遠而難極也

能走者馬也能飛者鳥也今不

任鳥馬之飛走而欲以人代之雖盡力弊翼而終竟不能盡以喻君代臣亦然故曰不遠而不得故曰難極也

與人並處而難得也虛其欲神將入舍

但能空虛心之嗜欲神則入而

舍掃除不潔神乃留處

喻不潔亦喻情欲

人皆欲智而莫索其所

以智乎

所以智者虛心以循理也

智乎智乎投之海外無自奪

但能虛心

循理其智雖復遠投海外虛心用之他無從而奪之也

求之者不得處之者

將欲求之

智終不知其處而得之也夫正人無求之也智既不可得故人亦無從而求之故能

虛無虛無無形謂之道化育萬物謂之德君臣父子人

間之事謂之義人事各宜也登降揖讓貴賤有等親疎之體

謂之禮簡物小未一道殺修禁誅謂之法謂簡擇於物未有能與道

為一者乃殺修禁防之此法之用也大道可安而不可說夫道無形無聲者也體神而安

之則有理存焉如欲說之無緒可言直人之言不義不顧不出於口不見

於色四海之人又孰知其則謂安道之君子雖人言其不義驚然不顧言既不出

於口理又不見於色言理既絕天曰虛地曰靜乃不伐

欽定四庫全書

管子補注

二

言能體天而虛順地而靜潔其宮宮者心之宅開其門

則道德全備故不可伐也門謂口也開口使順理而去私毋言謂無私言神明若存

言下解中門謂耳目也雖紛然而亂但靜強

無私則紛乎其若亂靜之而自治而順之則自理也

不能偏立智不能盡謀忘強與智然後所物固有形形固

有名名當謂之聖人立名當物所以稱聖故必知不言無為之事

然後知道之紀無事以不言紀殊形異執不與萬物異理故

可以為天下始君人者必殊形異執與物人之可殺以

其惡死也若不惡死其可不利以其好利也若不好利

雖殺無益

雖不利



亦無懋也是以君子不怵乎好怵止也不止人好利不迫乎

惡不迫移人意恬愉無為去智與故其應也非所設也其

動也非所取也故事也既忘過在自用自用不順罪在

變化作聰明變舊章則成罪也是故有道之君其處也若無知之寂泊

其應物也若偶之若符契自靜因之道也凡此皆虛靜

○績按此以上皆經下釋其義

心之在體君之位也九竅之有職官之分也此已下上

然非管氏之辭豈有故作難書而復從而解之前脩之制皆不然矣凡此書之解乃有數篇版法形勢之屬皆

間錯不倫處非其第據此則劉向編校之日謂為管氏之辭故使然也今究尋文理觀其體勢一韓非之論而韓有解老之篇疑此解老之類也耳目者視聽之官也心而無與於視

聽之事則官得守其分矣夫心有欲者物過而目不見

聲至而耳不聞也故曰上離其道下失其事故曰心術

者無為而制竅者也

心無嗜欲之為故能制於九竅

故曰君無代馬走

無代馬飛此言不奪能能不與下誠也

君之能不預於下之誠凡為其

所能無不誠

毋先物動者搖者不定躁者不靜言動之不可

以觀也位者謂其所立也人主者立於陰陰者靜

靜為躁君

故人主立於陰也

故曰動則失位

失君位也

陰則能制陽矣靜則能

制動矣

君亦能制臣矣

故曰靜乃自得

道在天地之間也其大無外其小無內

所謂大無不包細無不入也

故曰不遠而難極也虛之與人也無間

虛能貫穿人唯形故曰無間

聖人得虛道故曰竝處而難得世人之所職者精也

主職

也言所稟而生者精也

去欲則宣宣則靜矣

宣通也去欲則虛自行故通而靜

靜

則精精則獨立矣獨則明明則神矣神者至貴也故館

不辟除則貴人不舍焉故曰不潔則神不處

人皆欲知而莫索之其所以知彼也其所以知此也此有

然後知不脩之此焉能知彼無此其具則脩之此莫能

虛矣虛者無藏也此既脩則彼不能虛故曰去知則奚

率求矣率循也無知則無藏則奚設矣既不能隱藏則

也設無求無設則無慮無慮則反覆虛矣○績按言人求

設心以待人一設心則非虛矣謂之虛若以其無藏也

必去知無藏然後不求不設心無慮而虛矣注皆非

天之道虛其無形虛則不屈屈竭也無形則無所位趕

也無所位趕故徧流萬物而不變無物與之德者道之

舍物得以生

謂道因德以生物故德為道舍。績按無形謂道寓於物有形謂德。

生知得

以職道之精

得其生者生由稟道之精也。

故德者得也得也者其謂

所以然也

得道之精而然。

以無為之謂道

無為自然者道也。

舍之之

謂德

道之所舍之謂德也。

故道之與德無間

道德同體而無內外先後之異故曰無間。

故言之者不別也

同體故能不別。

間之理者謂其所以舍也

道德

之理可間者則有所舍所以舍之異也。

義者謂各處其宜也禮者因人之

情緣義之理而為之節文者也故禮者謂有理也理也

者明分以諭義之意也故禮出乎義義出乎理理因乎

宜者也法者所以同出不得不然者也

有禮則有法故曰同出也

故

殺僂禁誅以一之也故事督乎法

督察也謂以法察事

法出乎權

權出乎道

權道者事從之而出

道也者動不見其形施不見其德

萬物皆以得然莫知其極故曰可以安而不可說也

莫人言至也

人無能言者理之至也

不宜言應也

有時宜言則應物故

應也

者非吾所設故能無宜也

○績按事至則應非先設故曰不宜言宜即前義也註皆

非不顧言因也

無所顧思者因舊故

因也者非吾所顧故無顧也

因舊也非吾所為故無顧

不出於口不見於色言無形也四海之人孰知其則言

深圃也

不知淺深之圃城也

天之道虛地之道靜虛則不屈靜則不變不變則無過  
故曰不伐

潔其宮開其門宮者謂心也心也者智之舍也故曰宮

潔之者去好過也

去欲好之過也

門者謂耳目也耳目者所以

聞見也

物固有形形固有名此言不得過實實不得延名

不得無實

虛延姑形以形以形務名督言正名姑且也且言形者以其形也故

曰聖人

不言之言應也

言則言彼形耳於我無言

應也者以其為之人者也

人有所為故執其名務其應所以成之應之道也物既有名

守其名而命合之則所

無為之道因也因也者無益無

損也

損益者生有為

以其形因為之名此因之術也

見形而後名非因而

何名者聖人之所以紀萬物也

萬物雖多立名以紀之也。續按此釋知道之

紀



人者立於強

有必強然後立也

務於善

必善然後成人也

未於能

能未成者

習而成之

動於故者也

凡所運動必循於故致也

聖人無之

謂無害物之心也

無

之則與物異矣

物有我無故異也

異則虛

異於有故虛也

虛者萬物之

始也

有形生於無形也

故曰可以為天下始

聖人體虛故為天下始也

人迫於惡則失其所好

迫入於惡故失於好

怵於好則忘其所惡

為好所怵故忘其惡

非道也

二者皆非

故曰不怵乎好不迫乎惡惡不

失其理欲不過其情故曰君子恬愉無為去智與故言

虛素也

凡知與言習從虛素生則無邪欲也

其應非所設也其動非所取也此言因也因也者舍已

而以物

舍已而隨物故曰因

為法者也感而後應非所設也緣理

而動非所取也過在自用罪在變化自用則不虛不虛

則忤於物矣變化則為生

謂有為於營生

為生則亂矣故道貴

因因者因其能者言所用也

就能而用故曰因也

君子之處也若

無知言至虛也其應物也若偶之言時適也若影之象

形響之應聲也故物至則應過則舍矣舍矣者言復所

於虛也

心術下第三十七

短語十一

形不正者德不來

有諸內必形於外故德來居中  
形自正詩云抑抑威儀維德之隅中

不精者心不治

精誠至之謂也中  
能誠至心事自理正形飾德萬物畢得

翼然自來

○績按後內業作正形攝德  
天仁地義則淫然而自至

神莫知其極

正外

形飾內德則下觀而化

矣故萬物盡得其理也

昭知天下通於四極

毋物之義  
可以遂順

故能昭知天下自近  
以及遠通達於四極

故曰毋以物亂官

貪賄則官亂也

毋以官

亂心健羨太甚則心亂也

此之謂內得

官貨兩忘則內得也

是故意氣定然

後反正

無欲則意氣定故能反正也

氣者身之充也

氣以實身故行曰身之充也

者正之義也

行之不違中正之宜者也

充不美則心不得

充不美則氣邪故心

亂而不自得也

行不正則民不服

行不正則邪枉故人不

是故聖人若天然無私覆也若地然無私載也私者亂

天下者也凡物載名而來聖人因而財之而天下治實

不傷

因名而財則物宜之不爽故天下之理不傷也○績按財同裁字訓

不亂於天下而

天下治

天地以及萬物皆有理存焉直莫之亂則自理矣

專於意一於心耳目

端知遠之證

但專意一心則耳目自端證知遠事也

能專乎能一乎能無

卜筮而知凶吉乎

惠迪吉從逆凶豈能止乎能已乎

勞卜筮而後知乎

謂能

止於己分。○績按：能無問於人而自得之於己乎？誠已，自通。

問人致惑故不  
而自得也  
故曰思之思之不得鬼神教之誠已思而不得

必有鬼神之力也其精氣之極也鬼神雖能教不

極則神不得不教。豈鬼神能致其力也。○績按言其得  
乃非鬼神之教。乃吾心之靈自覺。此語極精。學者宜深  
之味。

一氣能變曰精謂專一其氣能變鬼神來教謂之精一事能變曰智能專一其

事能變而動  
慕選者所以等事也  
或選擇之欲令其事

極變者所以應物也

也慕選而不亂

慕選則齊潔故不亂

極變而不煩

極變以順物宜故不煩也

執

一之君子

一之績

按內業作惟執君子能為此乎

執一而不失能君萬物

一謂精專也既精且專故能君萬物也

日月之與同光天地之與同理

謂所

與天地合其德與日月合其明

聖人裁物不為物使

聖人者裁斷於物而使物不為裁而

使已也

心安是國安也

聖心安心

心治是國治也

聖心治

治也者

心也安也者心也

理與安一在於心然後國從也

治心在於中

理心在於適中

也治言出於口

則無過

治事加於民

則無枉事

故功作而民從

則百姓治矣

功成人服非理而何○績按言但治心在內則治言出口治事加民有功民從而國

治所以操者非刑也所以危者非怒也

刑雖能操怒雖能危比之於道

猶為末功物不能離道無不

民人操百姓治道其本至

也必每人皆操道然後百姓理

如此則道為人本豈不至哉至不至無無虛也所謂

也非所人而亂

非至虛而為天下主必亂

凡在有司執制者之利非

道也

有司執制常棄本逐末滯於刑政非道也

聖人之道若存若亡

迎之不見其首

隨之不見其後故

援而用之歿世不亡

道無形也無形則無盡時故歿

世不與時變而不化應物而不移日用之而不化

則無形

變移之時

人能正靜者筋肋而骨強

能靜則神氣全故筋骨肋能強也○績按肋筋堅也

戴大圓者體乎大方

必體大方然後能戴大鏡大清者

視乎大明

必視大明然後能鏡大清

正靜不失日新其德

正靜者則理順而功

立故其昭知

天下通於四極

既知天下則遠通四極

金心在中不

可匿

金之為物彌精心之為用彌明故比心於金中苟有如金之心則微見於外不可隱匿之也○績按

當依內業作全心中不可蔽匿金乃全之誤又缺一蔽字

外見於形容可知於顏

色

具見於外或在形容或在顏色

善氣迎人親如弟兄惡氣迎人害於



戈兵

○績按內業  
戈兵作戎兵

不言之言聞於雷鼓

至道之居常言  
之言則人無不

聞故同於雷鼓  
按內業作不言之聲

○績金心之形明於日月察於父母心

無不耀無不知故明於日月察於父母知子  
無若於父母故以言焉○績按金亦全字誤

昔者明王

之愛天下故天下可附暴王之惡天下故天下可離故

貨之不足以為愛刑之不足以為惡貨者愛之末也刑

者惡之末也

愛惡以為心本也  
故貨刑為末也

凡民之生也必以正平

正平則能  
保全其生

所以失之者必以喜

樂哀怒

喜樂哀怒過常則失其生  
○績按內業作喜怒哀憂患

節怒莫若樂

樂主和  
故能節

怒○績按內  
業節作止

節樂莫若禮守禮莫若敬

禮者敬而已矣故敬能守禮也

外敬而內靜者必反其性

外敬則合禮內靜則循樂故能反其性

豈無利

事哉我無利心豈無安處哉我無安心

亦既反性則忘其利安雖有利

事安處茂不足資也

心之中又有心

動亂之心有靜正之心也

意以先言

意

而得

意然後形

意感其事然後呈形

形然後思

有形則理可尋故思之也

思然

後知

思然後得故能知也

凡心之形過知失生

績按內業定心在中耳目聰

明四支堅固可以為精舍精也者氣之精者也氣道乃生生乃思思乃知知乃止矣凡心之形過知失生又曰

形然後言言然後使使然後治不治必亂亂乃死是故精存自生其外安榮此合二節而論文有差誤也

內聚以為原

○續按內業作內藏以  
為泉原此缺一泉字

泉之不竭

內聚思慮則用

之不窮猶泉之  
有源其可竭哉

表裏遂通泉之不涸四支堅固

內和則外通表

裏無壅故若泉之不涸而四支堅固也

能令用之被服四固

但能用此道者則四支堅

固被及其身也

○續按內業作乃能窮天地被四海

是故聖人一言解之上察於

天下察於地

解則無不通物故能窮於上下

### 白心第三十八

### 短語十二

建當立

凡所建必建其當立者也

有以靖為宗

靜則思慮審為建事之宗

以時為

寶

建事非時雖盡善不成時為事寶也

以政為儀

政者所以節制其事故為儀

和則能

久又必當和同非吾儀雖利不為非吾當雖利不行非

吾道雖利不取凡此雖曰有利非吾儀也上之隨天其

次隨人所謂應天人不倡不和無不成也天不始不

隨後天而奉天時故其言也不廢其事也不隨原始計

實本其所生知其象則索其形謂君之出言人乃順而

隨若此者當原其初始計其理實尋本其所生則其緣

象可知象既可知則其形可索也○績按隨隨同緣

其理則知其情順理則索其端則知其名索端則故苞

物衆者莫大於天地萬物共在化物多者莫多於日月

日陽也月陰也物皆稟陰陽之氣然後化之也民之所急莫急於水火一日無水火則

生理或然而天不為一物枉其時冬不為松栢不凋較其霜雪夏不為薺麥

枯死止其雨露也明君聖人亦不為一人枉其法周公不以管蔡之親休其

誅放天行其所行而萬物被其利冬行霜雪夏行雨露故萬物利也聖

人亦行其所行而百姓被其利行賞於善人行罰於凶人故天下清而百姓蒙

利是故萬物均既誇眾矣誇大也天與聖人無私故萬物均蒙其利既大而且眾也

是以聖人之治也靜身以待之物至而名自治之循名責實

則下無隱情故理也正名自治之奇身名廢奇謂邪名正法備則

聖人無事

正名法備則事無闕  
滯故聖人無事也

不可常居也

居必有  
時而遷

可廢舍也

廢舍則百  
度弛紊也

隨變斷事也

居變則不  
壅塞也

知時以為

度

事非其時  
則不成也

大者寬小者局

寬則有餘  
局則不足

物有所餘有所

不足

以有餘補不足  
則事平理均也

兵之出出於人

人為  
兵本

其人入於身

兵而有功入其  
賞賜必返於身

之勝從於適

適和也所謂  
師克在和也

德之來從於身

脩身則  
德立也

故曰

祥於鬼者義於人

義於人者則鬼  
祐之以福祥也

兵不義不可

兵不義  
而還自

害故

強而驕者損其強弱而驕者亟死亡

違禮而驕無  
施而可弱而

驕者則又其戾焉死之速不亦宜乎強而卑義信其強弱而卑義免於罪

是故驕之餘卑

於驕有餘則弱則卑也

卑之餘驕

於卑有餘則強強則又驕

道者一人用之不聞有餘理纔用天下行之不聞不足

無不足於其人

此謂道矣

多少皆足者道也

小取焉則小得福大取焉

則大得福盡行之而天下服殊無取焉則民反其身不

免於賊

殊無取焉則動皆違道故人反背之而賊害也

左者出者也

左為陽陽主生故為出也

右者入者也

右為陰陰主死故為入

出

者而不傷人入者而自傷也

出者既主生則不當傷人違而傷人是還自傷不

日不月而事以從

但循道而往不計日月事已從而成也

不卜不筮而謹

知吉凶

順道則吉逆道則凶豈須卜筮後知乎

是謂寬乎形徒居而致名

守道者靜默而已故其身寬閑徒然而居能致令名

去善之言為善之事成而

顧反無名

若能去言善直能為善事其事之成顧反之者默然無名也。○續按去乃云字誤言云善

言為善事反無名即下文能者無名也

能者無名從事無事

深能其事者必不求名然

其從事安然間暇若無事然也

審量出入而觀物所載

謂凡出命令當觀物載之所堪

然後審量而出之也

孰能法無法乎始無始乎終無終乎弱無弱

乎凡此皆謂為而忘之者也

故曰美哉第第

第第興起貌謂能而不為有契於道如此則功



美日興故曰故曰有中有中舉事雖得其中而不孰能

美哉第第為中乃是有中也得夫中之衷乎績按此即前心之中又有心意注非故

曰功成者隳名成者虧故曰孰能棄名與功而還與眾

人同君棄功名則與眾不異同孰能棄功與名而還反

無成棄功名則無成有貴其成也能貴無成有成貴其

無成也若其貴成日極則反月滿則虧極之徒反滿之

徒虧謂巨之徒滅謂能立大功也孰能已無已乎效夫天地之

紀天地志形者也能效天地者其唯忘已乎

人言善亦勿聽人言惡亦勿聽

譽之不勸非之不沮

待而待之空

然勿兩之淑然自清

但無心而待則淑然和美善惡自清也

無以旁言為

事成察而徵之無聽辯

無以旁譽之言以為事成功而無聽其利口之辯言悅之也

萬物歸之美惡乃自見

萬物之歸當順而容之其美之與惡終自顯見之也

天或維之地或載之天莫之維則天以墜矣地莫之載

則地以沉矣夫天不墜地不沉夫或維而載之也夫

張天

於上地設於下自古及今而不沉墜者必有神靈維載之故

又況於人人有治之辟

之若夫雷鼓之動也

必有以動也

夫不能自搖者夫或搖之

無識之物皆不能自搖有時而動則物搖之也夫或者何若然者也風有時搖

也。○績按或者指上或搖之言或言天地尚有所以載者況人豈無治之者故問治之者狀下遂詳其無聲

無臭之妙而口耳目視則不見聽則不聞謂風洒乎天下

手足等本之注皆非滿風之洒散不見其塞風無壅塞時也集於顏色寒者遇風則

之則知於肌膚惟肌膚能覺風責其往來莫知其時責問其往來則不得

其薄乎其方也謂遇方韓乎其圓也韓復貌謂遇韓韓

乎莫得其門雖復圓轉然不見其門也故口為聲也耳為聽也目有

視也手有指也足有履也事物有所比也今夫口耳目手足各有其

在非徒然也必精神之比夫事物之動搖則風使之然然求風則不得語神亦不見之也

當生者生當死者死

或死或生亦神為之主

言有西有東各死其

鄉雖其所居有東西之異至置常立儀能守貞乎

人人理則

置之常法立之儀則無不均也

常事通道能官人乎

有能守其常事隨時變通

不違於道如此者可以官於人

故書其惡者言其薄者上聖之人

聖通也既

設法以教之立官以主之猶有惡薄而不化者則書而陳之居上者然後化而通之也

口無虛習

也手無虛指也物至而命之

口之習也手之指也終不徒然必以事物之至或以

手指之或耳

辭按耳語辭屬上為句

發於名聲凝於體色此其可

諭者也

名聲之至耳聽之內流於心外凝結於體不發色如此者性之敏惠故可以德義告諭也

於名聲不凝於體色此其不可諭者也

不發不凝所謂頑鄙者也故不

可告及至於至者教存可也教亡可也

謂人可誘令至於所欲至如此

者存亡教故教存亦可教亡亦可也

故曰濟於舟者和於水矣

水和靜無有波浪則

能濟

義於人者祥於神矣

與人理相宜則神與之福祥也。績按言聖人口不先言

手不先指俟物至而後應之耳益以可言可指者易知而不可言不可指者難知其所以然難知亦不係教否

故能濟舟者必得載舟水之理能應物者必得寓物神之妙神即所以然也

事有適而無適

事雖有所適可常者若無適也

若有適觴解不可解而

後解

雖時有過潛默周密人莫知其由然結必待觸而後解觸所以解結也

故善舉事者

國人莫知其解

周密若結故不能知其解。績按言事有一種適無適若有適猶觸解不可解

而後解本不可過而適之故人皆不知其適解也

為善乎毋提提為不善乎將

陷於刑

提提謂有所揚舉也欲為善乎則人以我謙退無所舉欲為不善又恐陷於刑罰也善不

善取信而止矣

善與不善足以為善不善之取也此言可以為善不善之取也

若左若

右正中而已矣縣乎日月無已也

左陽謂善也右陰謂不善也言處陰陽之

中得其正而止若能常得中則名與日月俱懸而無已時也

惛惛者不以天下為憂

惛惛守正者忘天下故不憂也

刺刺者不以萬物為笑

刺刺操求自謂智謀之士能忘

智常操求物理而經營切為策也孰能棄刺刺而為愕愕乎智者勞而失惠忘德

者佚而歸之也

難言憲術須同而出凡為法術必重難須同衆心然後出之矣無益言無損

言近可以免又曰損益之事當潛而為之故曰知何知乎謀

何謀乎雖知常曰何謀此慎密之至也審而出者彼自來而審

出者必同於彼故自來自知曰稽考彼矣知人曰濟知人則能可以濟同

不以和知苟適可為天下周自知能稽知人能濟所謂

也內固之一可為長久適可以知內自論而用之可以

為天下王

既固於心度時論用如此可以為天下王

天之視而精

既可王天下則於天

道故視天能精之也

四壁而知請

四壁周禮所謂四珪有邸者也祭天所奠也同邸於壁故曰四

壁既能知天則祭以四壁而祈請其福祥也

壤土而與生

天既降福故壤土為之生百穀也

能若夫風與波乎唯其所欲適

風動波應大小唯所欲適天地之應聖人亦猶

是故子而代其父曰義也臣而代其君曰篡也

臣代於是

篡奪而取也

篡何能歌武王是也

武王以臣代君則非篡也謂之篡之豈能使紂之眾

前歌後舞乎則武王故曰孰能去辯與巧而還與眾人

同道

武王伐紂所以不為篡者則以紂恃其辯巧自異於物逆天絕理毒流四海故也向能去其辯巧與



衆同道何武王之敢窺哉故曰思索精者明益衰德行雖欲代之故得篡名也

脩者王道狹

思索太精則矜名故王道狹也

臥名利者寫生危

臥猶息也寫猶

除也能息名利則除身之危

知周於六合之內者吾知生之有為阻

也

周其智於六合則神傷力竭故於其生有所阻難也

持而滿之乃其殆也

持滿者善

覆故危也

名滿於天下不若其已也

名滿於天下則華揚而實喪

名進而

身退天之道也

未有能名身俱退者

滿盛之國不可以仕任

則滿盛則敗

亡故不可仕其任也

滿盛之家不可以嫁子

嫁子於滿盛之家則與之俱亡

傲暴之人不可與交

交於驕暴則危亡及已也

道之大如天

無不覆也

其廣如地

無不載也

其重如石

萬人之不能舉也

其輕如羽

一人載之不為重

民之所以知者寡故曰何道之近

而莫之與能服也

服行也

棄近而就遠何以費力也

道近在身

不能求之於已而望之於人終無得時故曰費力也

故曰欲愛吾身先知吾情

已知

情則能自保其身

君親六合以考內身

遍六合之種一一考之於身皆備之則何須

棄身而遠之也

以此知象乃知行情

於身知象乃可行情既知行情乃

知養生

知行情則不違理不違理則生全故曰乃知養生

左右前後周而復所

行身之道或從左右或從前

執儀服象敬迎來者

執常儀行

常象將來可行之理敬而迎之今夫來者必道其道上道從也將來之理必道而來從也

無遷無行命乃長久

理既從道而來但遵而行之無遷移無寬行勤而為之則命久長也

和以反中形性相葆

事既安和反歸中理如此則形全性順故能相保也

一以無

貳是謂知道將欲服之必一其端而固其所守

固守則道自行

責其往來莫知其時

若責生之往來則期不定

索之於天與之為期

求性命之理於天則期時可知也

不失其期乃能得之

既不失期則性命之理得也

故曰吾語若大明之極

若汝也大明之極謂天也

大明之明非愛人


不予也

愛惜也非有所隱惜於人而不與之也

同則相從反則相距也

與天

同則從反吾察反相距吾以故知古從之同也  
則距也  
故知古之從者以共同也  
則察今反有距



管子補注卷十三

欽定四庫全書

子部

管子補注卷十四

詳校官中書

臣徐志晉

編修臣倉聖脈覆勘

總校官進士

臣繆琪

校對官編修

臣楊壽楠

謄錄監生

臣王錡

欽定四庫全書

管子補注卷十四

明 劉績 撰

水地第三十九

短語十三

地者萬物之本原諸生之根苑也

苑園城也

美惡賢不肖愚

俊之所生也

謂生於地

水者地之血氣如筋脉之通流者也

言水材美具備其潤澤若氣以支故曰水具材也

言水材美

具何以知然也曰夫水淖弱以清而好洒人之惡仁也

淖和也惡視之黑而白精也視其色雖黑及輝揚量之

垢穢也不可使概至滿而止正也注以意量之則多少不可以概

此者唯無不流至平而止義也方圓邪曲無所不流平

義人皆赴高已獨赴下卑也卑也者道之室王者之器

也道以卑為室王而水以為都居都聚也水聚準也者

五量之宗也水可為平準五量取則素也者五色之質

也無色謂之素水雖無色五色淡也者五味之中也無

謂之淡水雖無味五味不是以水者萬物之準也萬物

得不和故為五味中也

焉故曰諸生之淡也能濟諸生以適違非得失之質也

準也得亦自水生焉失亦自質是以無不滿無不居也集於天

地雨從天降而亦有河而藏於萬物動植之物皆含液也產於金

石揀金於水山石之穴或有溜泉焉集於諸生諸含生類皆得水而生之故曰水神

莫不有水焉不知其所故謂之神也集於草木根得其度得其生華得其

數得其榮落之數實得其量得其生熟之量鳥獸得之形體肥大羽毛

豐茂文理明著萬物莫不盡其幾幾謂從無以適有也反其常者

常謂長育之常數也水之內度適也內度謂潛潤之度也夫玉之所貴者九



德出焉夫玉溫潤以澤仁也鄰以理者知也

鄰近也玉文相適近

理各自通如此知也

堅而不感義也

變屈聚也如此義也

廉而不劌行也鮮

而不垢潔也折而不撓勇也瑕適皆見精也

瑕適玉病也以其精

純故不掩瑕適

茂華光澤並通而不相陵容也叩之其音清搏

徹遠純而不殺辭也

象古君子之辭也

是以人主貴之藏以為

寶剖以為符瑞九德出焉

人主所以寶而藏之為符瑞九德之故

人水也

男女精氣合而水流形

陰陽交感流布成形也

三月如咀咀者何

曰五味五味者何

咀咀口和嚼之謂三月之胎渾初凝類口所嚼食也

曰五藏味

出於五藏後也 酸主脾 鹹主肺 辛主腎 苦主肝 甘主心 五藏已

具而後生肉 脾生膈

膈在脾上也

肺生骨 腎生腦 肝生革

革皮

也 心生肉 五肉已具而後發為九竅 脾發為鼻 肝發為

目 腎發為耳 肺發為口 心發為舌

○續按舊本無此句今據文子補之

五

月而成 十月而生 生而目視耳聽 心慮目之所視 非特

山陵之見也 察於荒忽耳之所聽 非特雷鼓之聞也 察

於淑湫 心之所慮 非特知於麤粗也 察於微眇 故脩要

之精

言精思是理脩要妙之精也

是以水集於玉而九德出焉 凝蹇

而為人

塞停也言精液凝停則為人也

而九竅五慮出焉

五慮謂耳目鼻口心也

此乃其精

言九竅五慮是身之精也

麤濁塞能存而不能亡者也

謂人

之稟氣麤濁而塞但能存而不能亡也。○續按此言水之精麤濁塞能存而不能亡者生人與玉注俱非

伏闇能存而能亡者著龜與龍是也

言龜龍稟氣微妙悠遠而暗冥故能

存亡而為變化也

龜生於水發之於火

謂卜者以火鑽灼之於是為萬物

先為禍福正

謂龜得水火之靈故先知於萬物識禍福之正也

龍生於水被五

色而游故神

得水不測之靈故神

欲小則化如蠶蠋

蠋蠋中虫欲大則

藏於天下

言能隱覆吞下

欲尚則凌於雲氣

尚上

欲下則入於

深泉變化無日

隨時而變不期於日

上下無時謂之神龜與龍伏

闇能存而能亡者也

或世見

謂下谷不徙水不絕之也

或世不見者

謂涸川水有時而絕

生螭與慶

忌

世見生慶忌世不見生螭也。續按螭於危切又音詭

故涸澤數百歲谷之不

徙水之不絕者生慶忌

謂涸澤之中有谷有水谷不徙而水不絕也

慶忌者

其狀若人其長四寸衣黃衣冠黃冠戴黃蓋乘小馬好

疾馳以其名呼之可使千里外一日反報此涸澤之精

也涸川之精者生於螭螭者一頭而兩身其形若蛇其

長八尺以其名呼之可以取魚鼈此涸川水之精也

是以水之精麤濁蹇能存而不能亡者生人與玉伏闔

能存而能亡者著龜與龍或世見或不見者螭與慶忌

故人皆服之

謂服用水

而管子則之

言管子獨能知水法則也

人皆有之

莫不有水而管子以之

以用也言管子獨能用也

是故具者何也水是

也

言水無理不具也

萬物莫不以生

得水以生

唯知其託者能為之

正具者水是也

託依也能知水理之所依者能正於萬物故理之具者水也

故曰水

者何也萬物之本原也諸生之宗室也美惡賢不肖愚

俊之所產也何以知其然也夫齊之水道躁而復故其

民貪麤而好勇

以水道回復故令人貪以

楚之水淖弱

而清故其民輕果而賊

以其淖弱故輕佚清則明察故人米賊也

越之水濁

重而汨故其民愚疾而垢

汨浸也濁重故愚浸則多所漸入故疾垢也

秦之

水泔最而稽淤滯而雜

最絕也稽停留也謂秦水絕泔而味停留又泥淤沉滯與水相

雜也故其民貪戾罔而好事

以其甘而稽故貪戾以其滯雜故誣而好事

齊

晉之水枯旱而運淤滯而雜

齊晉謂齊之西而晉之東枯旱謂其水慘澹而無光

也故其民諂諛而葆詐巧佞而好利

以其運故諂諛以其枯旱故葆詐以

其於雜故巧  
佞而好利

燕之水萃下而弱沉滯而雜故其民愚戇

而好貞輕疾而易死

沉故愚戇而好貞萃  
雜故輕疾而易死也

宋之水輕勁

而清故其民簡易而好正

輕故簡易清  
勁故好正也

是以聖人之化

世也其解在水

言解人之邪  
正當水而知

故水一則人心正

一謂  
不雜

水

清則民心易一則欲不污

人心既一故  
欲不污穢

民心易則行無

邪

易直則  
無邪也

是以聖人之治於世也不人告也不戶說也

其樞在水

樞主運轉者也言欲轉化於人  
但則水之理故曰其樞在水也

四時第四十

短語十四

管子曰令有時

王者命令必有其時

無時則必視順天之所以來

視謂觀而察之

若不得時則必觀其所致改革以順天道之來也

五漫漫六惛惛孰知

之哉

漫漫曠遠貌惛惛微暗貌五謂每時之政其理曠遠六謂陰陽四時其理微暗既漫且惛故知之者

少唯聖人知四時不知四時乃失國之基不知五穀之

故國家乃路

路謂失其常居

故天曰信明地曰信聖

言能信順天地之道

則而行之者

四時曰正

順行四時之令曰正也

其王信明聖其臣

乃正

君明聖則能用賢材故正也

何以知其王之信明信聖也曰慎

使能而善聽信之

謂能聽信賢材之人

使能之謂明

使任賢能則為明也聽



信之謂聖

既聽其言又信其事所以為聖

信明聖者皆受天賞

信明者天福也

使不能為惛

既使不能為惛

惛而忘也者皆受天禍

惛忘則動皆違

理故受天殃也

是故上見成事而貴功則民事接勞而不謀

謂君

見下有成則能貴賞其功是上能以恩接人事故雖下勞不謀上報其事也

上見功而賤則

為人下者直

恃其功勞故肆直也

為人上者驕

不恤下功則驕悖故也

是故

陰陽者天地之大理也

天地用陰陽為生成

四時者陰陽之大經

也

陰陽更用於四時之間為緯也

刑德者四時之合也

德合於春夏刑合於秋冬

德合於時則生福詭則生禍然則春夏秋冬將何行

東方曰星

東方陰陽之氣和雜之時故為星星亦不定於陰陽也

其時曰春

春蠢也時

物蠢而生也

其氣曰風

陽動而陰寒為風也

風生木與骨

木為風而發暢骨亦木之

類也

其德喜贏而發出節

長贏為發生之節也言春德喜悅

時其事號

令脩除神位謹禱弊梗

梗塞也時方開通而有弊敗梗塞者則禱神以通道之○續按

淮南子仲春祭不用犧牲用圭璧更皮幣疑此乃幣更誤

正陽

春陽事故以正陽為宗

治隄

防夏多水潦故於春預脩隄防

耕芸樹藝正津梁

謂正橋梁也

脩溝瀆甃

屋行水

甃者使之行水也脩屋壞時方溉灌依次行而用

解怨赦罪通四方

凡此

皆助發生之氣

然則柔風甘雨乃至

柔和也

百姓乃壽百蟲乃蕃

此謂星德

星以和為德也

星者掌發發為風

掌主也主以風發生

是故春

行冬政則彫

肅殺之氣乘之故彫落也

行秋政則霜

秋霜降時也

行夏政

則欲

績按疑煥字誤月令行夏令煥氣早來意

是故春三月以甲乙之日

發五政

甲乙統春之三時也

一政曰論幼孤含有罪二政曰賦爵

列授祿位

列次也

三政曰凍解脩溝瀆復亡人

人之逃亡者復還之

四政曰端阻險

路有險阻理之使端平也

脩封疆正千伯

千伯即阡陌也

政曰無殺魔天毋蹇華絕芋

蹇拔也芋之屬其根經冬不死不絕之也○績按後

禁藏作毋天英毋拊等必有一誤

五政苟時春雨乃來

南方曰日

南方太陽故為日也

其時曰夏

夏假也謂時物皆假大也

其氣曰陽

夏之氣也

陽生火與氣

陽為鬱熱故為火氣也

其德施舍脩樂

施舍謂施

爵祿舍逋罪脩樂謂作樂以脩輔也

其事號令賞賜賦爵受祿順鄉

順鄉謂不

違土俗之宜也

謹脩神祀量功賞賢以動陽氣

陽氣主仁故行恩賞以助之也

九暑乃至

九暑謂九夏之暑也

時雨乃降五穀百果乃登此謂日

德日以昭育為德也

中央曰土

土位在中央而寄王於六月承火之後以土火之子故也而統

於夏所以與火同章也

土德實輔四時出入

土在四時之季與之入出。續按此言土

無定以風雨節土益力

土得雨遍益其生植之力。續按此言土無定氣也土生

皮膚膚

土所生木實成皮與肌膚

其德和平用均

土無不載

無不生故和而用均也

中正無私

位居中正無偏私

實輔四時

言土之德

也春嬴育夏養長秋聚收冬閉藏

言土之四時皆土之所輔成也

言土之事也

大寒乃極國家乃昌四方乃服

言土輔四時使均成然後寒極

而成歲國此謂歲德

謂土能成歲之德也

日掌賞賞為暑

得賞則熱熱故

為歲掌和和為雨

和則陰陽交故為雨

夏行春政則風

風主春故

政則水行冬政則落

霜氣肅殺故彫落也

是故夏三月以丙丁之

日發五政一政曰求有功發

疑伐字

勞力者而舉之二

政曰開久墳久墳瘞之處發故屋辟故窳以假貸辟開也

三政曰令禁扇去笠禁扇去笠者不欲令人禦盛陽之氣毋扱免禁扱者

亦不欲人惡盛陽之氣也除急漏田廬田中之廬欲漏之不四政曰

求有德賜布施於民而賞之五政曰令禁置設禽獸謂

置以取禽獸也毋殺飛鳥五政苟時夏雨乃至也

西方曰辰辰星日交會也其時曰秋秋攄也時物成熟攄斂之其

氣曰陰秋之氣也陰生金與甲陰氣凝結堅實故其德憂哀

靜正嚴順秋氣悽惻故以憂恤哀憐為德靜正陰之性也嚴順謂德雖嚴然順時而為之也居

不敢淫佚

順秋氣而靜居不敢為淫佚過失也

其事號令毋使民淫暴順

旅聚收

謂順時理軍旅聚而收之也

量民資以畜聚賞彼羣幹

衆有武幹

人當聚彼羣材

材謂可以充兵器之材當收聚之

百物乃收使民毋怠

時云收斂出師故聚裝人無懈怠

所惡其察所欲必得

察所惡之方而伐之則得其所

欲我信則克

我既誠信故能克敵此謂辰德

辰以收斂殺姦邪為德也

辰掌收

收為陰

收聚冬閉藏故為陰

秋行春政則榮

春發榮也

行夏政則水

行水潦也

行冬政則耗

冬肅殺損耗也

是故秋三月以庚辛之日發

五政一政曰禁博塞

博塞長姦邪故禁之

圉小辯鬪譯詔

小辯則利口覆

國及譯傳言語相疾忌為

二政曰毋見五兵之及

時或出師

掩襲故藏五

三政曰慎旅

農趣聚收四政曰補缺塞圻

師旅營農常慎收之秋方

五政曰脩牆垣周門閭

亦所以助

閉藏故令補塞缺圻也 閉藏五政苟時五穀皆入

北方曰月

北方太陰故為月也

其時曰冬

冬中也言藏收萬物於中也

其氣曰

寒

冬之氣也

寒生水與血

寒釋則水流血亦水之類

其德淳越溫怒周密

冬時花葉凋落唯根幹存焉故以淳質為德越散也冬既閉藏時則入於恡嗇故令散施為德雖復陰怒當節之以溫周密者 其事號令脩禁徙民令靜止

時方休息故禁人私



徙令為地乃不泄

冬令行故地不泄也

斷刑致罰無赦有罪以符

陰氣

陰氣主殺故斷刑致罪以符之

大寒乃至甲兵乃強五穀乃熟國

家乃昌四方乃備此謂月德

月以閉藏罰罪歲德也

月掌罰罰為

寒

罰則殺物故為寒也

冬行春政則泄

春陽氣發泄也

行夏政則雷

夏雷電行

行秋政則旱

謂冬氣早早也

是故冬三月以壬癸之日癸五政

一政曰論孤獨恤長老二政曰善順陰脩神祀賦爵祿

授備位三政曰劾會計毋發山川之藏

山藏謂銅銀之屬藏在山者川

藏謂珠玉之屬藏在山者也

四政曰捕奸遁得盜賊者有賞五政曰

禁遷徙止流民園分異

分異謂離居者

五政苟時冬事不過所

求必得所惡必伏

○績按自是故至此舊本誤在暴虐積則亡下

是故春凋秋榮冬雷夏有霜雪此皆氣之賊也

氣反時則為賊

害也刑德易節失次則賊氣邀至賊氣邀至則國多菑殃

是故聖王務時而寄政焉

謂順時而立政

作教而寄武

因教而習武也

作祀而寄德焉

謂設祭以顯德則神歆也

此三者聖王所以合於天

地之行也

天地之行唯此三者而已

日掌陽月掌陰星掌和陽為德

陰為刑和為事是故日食則失德之國惡之月食則失

刑之國惡之彗星見則失和之國惡之

失則當受罰故其所失各以其

所類而興惡也

風與日爭明則失生之國惡之

日惡風且熱旱災成矣方生之

物皆枯悴矣此失生德也故失生之國惡也

是故聖王日食則脩德月食則

脩刑彗星見則脩和風與日爭明則脩生此四者聖王

所以免於天地之誅也信能行之五穀蕃息六畜殖而

甲兵強治積則昌暴虐積則亡

道生天地

道者自然能生天地也

德出賢人

德者賢人所脩為故能生賢也

道生

德

法道則成德也

德生正

德脩則理自正

正生事

正直則事幹

是以聖王治

天下窮則反終則始德始於春長於夏刑始於秋流於

冬

謂刑於冬而休息也

刑德不失四時如一

皆順時而成故如一

刑德離鄉

時乃遂行

鄉方也

作事不成必有大殃月有三政

月三旬政異故

曰三政也

王事必理以為必長

王者行事必順三政之理然後可以長久

不中者

死失理者亡

中猶合也不合三政者則無違失其理必敗亡

國有四時固執王

事

固執四時之政以輔行王事

四守有所

謂守四時令得其所

三政執輔

執月三之

政輔行已德也

# 五行第四十一

## 短語十五

一者本也

本農桑也

二者器也

器所以理農桑之具也

三者充也

充謂人力

能稱本與器也

治者四也

人既務本設治以理之也

教者五也

人既奉法則以禮義教之

守者六也

人既奉法從教則設官以守之

立者七也

既設官以守之則能立事前者

八也

既能設官立事則與前王比隆

終者九也

既能與前王比隆可謂王道之終也

十者

然後具五官於六府也

立五行之官分掌六府也

五聲於六律也

謂播

五聲於六律也

六月日至

陽生至六為夏至陰生至六為冬至

是故人有六多

至陽

六為純陽之多也

陰至六為純陰之多也

六多所以街天

也人稟陰陽之純以生故曰人有六多

地也

街猶陽也

天道以九制

九老陽之數以老陽制天所以君長之也

八制

八少陰之數以少陰制地欲其生息也

人道以六制

六者兼三才之數人稟天地陰

陽之氣以生

以天為父以地為母以開乎萬物

父母開通以生

萬物以總一統

總持其本以統萬物也

通乎九制六府三充而為明

天子

言能總一統九制已下可謂明天子

脩槩水上以待乎天堦

堦誠也言天子

能以中正自脩以槩自平上待天誠也

反五藏以視不親

又親反察於五藏以視知何者

不親也

治祀之下以觀地位

理於祭祀之時於其所祭之下觀知地位之尊卑也

暉神廬合於精氣

神廬謂廟祠也日所次隅曰暉言祭神廬之時或薦珍貨雖已奠於地復

以日次隅之所以為精祥也如此

已合而有常

神既合聚而享

祐則風雨有常而有經風雨有常百貨成審合其聲脩

十二鍾以律人情不失其經則庶績咸通故可審合理

以播其音音之高下人情已得萬物有極然後有德人

皆法人情律法也情則物理極極於故通乎陽氣所以事天也經緯日月

物理可謂有德也天又經緯日月之時候使人用之也通乎

用之於民天氣以積陽成德故通陽氣然後能事通乎

陰氣所以事地也經緯星厯以視其離地以積陰成體

能事地又經緯星厯之通若道然後有行言能通上陰

節氣視知其離絕也然後所行然則神筮不靈神龜不卜既通天地之道則

不失也所行無不當故龜

筮不能為卜兆

黃帝澤參治之至也

黃帝雖通天地之道不使參問田澤以得萬靈之情

可謂理之至也

昔者黃帝得蚩尤而明於天道得大常而察於地利得

奢龍而辯於東方

○續按一本奢作蒼下倣此

得祝融而辯於南方

得大封而辯於西方得后土而辯於北方黃帝得六相

而天地治神明至蚩尤明乎天道故使為當時

謂知天時之所

也當大常察乎地利故使為廩者

廩給也謂開廩以給人

奢龍辯於

東方故使為工師

工師即司空也

祝融辯乎南方故使為司徒



謂主徒衆使務農也

大封辯於西方故使為司馬

主兵馬以出征

后土辯

乎北方故使為李

李獄官也取使象水之平也

是故春者工師也夏

者司徒也秋者司馬也冬者李也昔黃帝以其緩急作

五聲

調政理之緩急作五聲也

以政五鍾令其五鍾一曰青鍾大音

大音東方鍾名

二曰赤鍾重心三曰黃鍾灑光四曰景鍾昧其

明五曰黑鍾隱其常

自大音重心已下皆鍾名其義則未聞

五聲既調然

後作立五行以正天時五官以正人位人與天調然後

天地之美生

美謂甘露醴泉之類也

日至睹甲子木行御

謂春日既至睹甲子用木行御時也

天子出令命左

右士師內御

謂內侍之官也

總別列爵

謂總別等列之爵也

論賢不肖士

吏

論士吏之賢與不肖當有所黜陟也

賦秘賜

秘藏之物出而賦賜之也

賞於四境之

內發故粟以田數

故粟陳也以田數多少用陳粟給人使得務農

出國衡

官慎名慎

山林禁民斬木所以愛草木也然則水解而凍釋草木

區萌

萌牙區別而生也

贖蟄蟲卵菱

贖猶去也卵鳧菱茨也皆早春而生也

春辟

勿時

春當耕闢無得不及時也

苗足本

足猶擁也春生之苗當以土擁其本

不癘雛穀

癘殺也雛隨母食者

不夭麋麋

麋鹿子也言夭傷之

毋傳速亡傷絰祿

絰祿之要

孩無得

傷損也時則不凋

若能行工事春則繁茂而不凋枯也

七十二日而畢

春當

九十日而今七十二日而畢者則季月十八日屬土位

故也○

續按自甲子起周一甲子六十日又零十二日

得丙子故曰七十二日而畢下皆倣此益五七三百五十日又五二為十日通三百六十日一年之數也注皆

非賄丙子火行御天子出令命行人內御行人行使令

掘溝澮津舊塗

舊塗謂先時濟水處當設具津梁也

發藏任君賜賞

任委也藏

中委積物當發用之即以免君之賞賜也

君子脩游馳以發地氣

游馳謂游戲馳馬也

出皮幣命行人脩春秋之禮於天下諸侯通天下過者

兼

春秋二時聘問之禮

然則天無疾風草木發奮鬱氣息

謂鬱蒸之

氣止息也

民不疾而榮華蕃七十二日而畢睹戊子土行御

天子出令命左右司徒內御

理命司徒御夏政也

不誅不貞

貞正也太

陽用事時方長育故無所誅戮無責正以助養氣也

農事為敬

夏時農事尤威順而敬之也

大

揚惠言

言大舉仁惠之事也

寬刑死緩罪人

皆所以助養氣也

出國司徒

令命順民之功力以養五穀君子之靜居

陰氣方生故靜居以遵也

而農夫脩其功力極然則天為粵宛

粵厚也宛順也天為厚順不違時氣

也草木養長五穀蕃實秀大六畜犧牲具民足財國富

上下親諸侯和七十二日而畢睹庚子金行御天子出

令命祝宗選禽獸之禁

禁謂牢圉圓所養擬供祭祀也

五穀之先熟者

先熟則

而薦之祖廟與五祀

五祀謂門行戶竈中雷

鬼神饗其氣

馬君子食其味焉然則涼風至白露下天子出命命左

右司馬衍組甲厲兵

組甲謂以組貫甲也

合什為伍

謂立什人之長為伍

以

脩於四境之內諛然告民有事所以待天地之殺斂也

諛悅順貌有事謂出師以伐不服象天地殺斂也

然則晝灸陽夕下露地競環

環灸實貌方秋之時晝則暴灸夕則下寒露而潤之陰陽更生故地氣交競而灸實

五穀鄰熟

也陰陽氣足故緊熟

草木茂實歲農豐年大茂七十二日而畢賂

壬子水行御天子出令命左右使人內御御其氣足則

發而止

使人御理冬政其閉藏之氣足則發令休止也

其氣不足則發擿瀆盜

賊

擿謂遮禁也羣聚之謂其閉藏之氣不足則擿防盜賊以助其閉藏之氣也

數剝竹箭

言

剝削竹箭以為矢也

伐檀柘

伐檀柘所以為弓也

令民出獵禽獸不釋巨少

而殺之所以貴天地之所閉藏也

貴天地閉藏故收獵取禽以助也

然

則羽卵者不旻

旻謂離散不成

毛胎者不牘

牘謂胎敗潰也

臝婦不銷

棄

臝古孕字銷棄謂散壞也

草木根本美

閉藏實堅則根本美凡此皆順冬閉藏之政所致也

七十二日而畢

睹甲子木行御天子不賦不賜賞而大斬伐傷

此以下言逆時

政所致災禍也

君危不殺太子危家人夫人死

若君雖危而不見殺則又太子

危而家人夫

不然則長子死

如無家人夫人死則長子死

七十二日

而畢

逆氣亦畢於七十二日也

睹丙子火行御天子敬行急政旱札

苗死民癘

札夭死也癘疫死時當寬緩而乃急故有旱札疫之災也

七十二日而畢

睹戊子土行御天子修宮室築臺榭君危

土方用事而修宮室以動

亂之故君有危亡之禍也

外築城郭臣死

築城郭動土危故其臣死

七十二日而

畢

土王在六月而得七十二日者則每季得十八故也

睹庚子金行御天子攻山

擊石有兵作戰而敗士死喪執政

時方收斂而乃攻山擊石故致兵器之禍

也

七十二日而畢睹壬子水行御天子決塞動大水王

后夫人薨不然則羽卵者段毛胎者贖肥婦銷棄草木  
根本不美七十二日而畢也



管子補注卷十四